

摘藻堂四庫全書薈要

史部

欽定四庫全書薈要

史部

前漢書卷五十七  
上下



詳校官主事銜臣徐以坤

欽定四庫全書薈要卷三千七百八十

史部

前漢書卷五十七上

漢 蘭 臺 令 史班 固撰

唐正議大夫行秘書少監琅邪縣開國子顏師古注

司馬相如傳第二十七上

師古曰近代之讀相如賦者多矣皆改易大字競為音說致失本真徐廣鄒誕生諸詮之陳武之屬是也今依班書舊文為正於彼數家並無取焉自喻巴蜀之後分為下卷

司馬相如字長卿蜀郡成都人也少時好讀書學擊劍

師古曰擊劒者以劒遙擊而中之非斬刺也

名犬子

師古曰父母愛之不相欲稱斥故為此名也

如既學慕藺相如之為人也更名相如

師古曰藺相如六國時趙人也

義而有勇故追慕之

以訾為郎事孝景帝為武騎常侍非其好也

師古曰訾讀與貲同貲財也以家財多得拜為郎也武騎常侍秩六百石

會景帝不好辭賦

是時梁孝王來朝從游說之士齊人鄒陽淮陰枚乘吳

嚴忌夫子之徒

師古曰嚴忌本姓莊當時尊尚號曰相夫子史家避漢明帝諱故遂為嚴耳

如見而說之

師古曰說讀曰悅

因病免客游梁得與諸侯游士

居數歲乃著子虛之賦會梁孝王薨相如歸而家貧無



以自業素與臨邛令王吉相善吉曰長卿久宦游不遂

而困

師古曰遂達也

來過我於是相如往舍都亭

師古曰臨邛所治都之亭

臨邛令繆為恭敬

師古曰繆詐也

日往朝相如相如初尚見之

後稱病使從者謝吉吉愈益謹肅臨邛多富人卓王孫

僮客八百人

師古曰僮謂奴

程鄭亦數百人

師古曰程鄭亦人姓名言其家富亞

王孫也

乃相謂曰令有貴客為具召之

師古曰具謂酒食之具召請也

并

召令令既至卓氏客以百數至日中請司馬長卿長卿

謝病不能臨臨邛令不敢嘗食身自迎相如相如為不

得已而強往

師古曰示衆人以此意也

一坐盡傾

師古曰皆傾慕其風采也

酒酣

臨邛令前奏琴曰竊聞長卿好之願以自娛

師古曰奏進也

相

如辭謝為鼓一再行

師古曰行謂曲引也

是時卓王孫有女文君

新寡好音故相如繆與令相重而以琴心挑之

師古曰寄心於

琴聲以挑動之也挑音徒了反

相如時從車騎雍容閒雅

師古曰閒讀曰閑

甚

都

張揖曰甚得都士之節也韋昭曰都邑之容也師古曰都閒美之稱也張說近之詩鄭風有女同車之篇

曰洵美且都山有扶蘇之篇又云不見子都則知都者美也韋言都邑失之遠矣

及飲卓氏弄

琴文君竊從戶窺心說而好之

師古曰說讀曰悅悅其入而好其音也恐

不得當也

師古曰當謂對偶也

既罷相如乃令侍人重賜文君侍

者通殷勤文君夜亡奔相如相如與馳歸成都家徒四

壁立

師古曰徒空也但有四壁更無資產○宋祁云別本無夜亡二字

卓王孫大怒曰

女不材我不忍殺一錢不分也人或謂王孫王孫終不

聽文君久之不樂謂長卿曰弟俱如臨邛

文穎曰弟且也張揖曰如

往也師古曰弟但也發聲之急耳酈食其曰弟言之此類甚多義非且也

從昆弟假資猶足

以為生

師古曰資音吐得反

何至自苦如此相如與俱之臨邛盡

賣車騎買酒舍乃令文君當盧

郭璞曰盧酒盧師古曰賣酒之處累土為盧以

居酒窻四邊隆起其一面高形如鍛盧故名盧耳而俗之學者皆謂當盧為對溫酒火盧失其義矣○宋祁曰

注文酒盧下

當有也字

相如身自著犢鼻褌

師古曰即今之松也形似犢鼻故以名云

松音之容反○劉奉世曰犢鼻穴在膝下為褌財令至膝故習俗因以為名非謂其形似也

與庸保

雜作

師古曰庸即謂賃作者保謂庸之可信任者也

滌器於市中

師古曰滌酒也器食器也

食已則酒之賤人之役也酒音先禮反

卓王孫恥之為杜門不出

師古曰杜塞也

昆弟諸公更謂王孫曰

師古曰更互也音工衡反

有一男兩女所不

足者非財也

師古曰言不患少財也

今文君既失身於司馬長卿

長卿故倦游

文穎曰倦疲也言疲厭游學博物多能也

雖貧其人材足依也

且又令客奈何相辱如此

師古曰言縣令之客不可以辱也

卓王孫不

得已

師古曰已止也

分與文君僮百人錢百萬及其嫁時衣被

財物文君乃與相如歸成都買田宅為富人居久之蜀

人楊得意為狗監

師古曰主天子田獵犬也

侍上上讀子虛賦而善

之曰朕獨不得與此人同時哉得意曰臣邑人司馬相

如自言為此賦上驚乃召問相如相如曰有是然此乃

諸侯之事未足觀請為天子游獵之賦上令尚書給筆

札

師古曰札木簡之薄小者也時未多用紙故給札以書札音壯黠反

相如以子虛虛言

也為楚稱

師古曰稱說楚之美也

烏有先生者烏有此事也

師古曰烏

於何也

為齊難

師古曰難詰楚事也

亡是公者亡是人也

師古曰亡讀曰無下

皆類此

欲明天子之義故虛藉此三人為辭

師古曰藉假也

以推

天子諸侯之苑囿其卒章歸之於節儉

師古曰卒終也謂終篇之言若

潰牆填塹之比者○

因以風諫

師古曰風讀曰諷

奏之天子天

子大說

師古曰說讀曰悅

其辭曰楚使子虛使於齊齊王悉發

車騎與使者出田

師古曰田獵也

田罷子虛過姦烏有先生

師古

曰姦誇誑之也音丑亞反字今作詭也

亡是公存焉

○宋祁曰存疑作在

坐定烏有

先生問曰今日田樂乎子虛曰樂獲多乎曰少然則何

樂對曰僕樂王之欲夸僕以車騎之衆而僕對以雲夢

之事也

張揖曰楚數也在南郡華容縣師古曰夢讀如本字又音莫風反字或作曹其音同耳

曰

可得聞乎子虛曰可王駕車千乘選徒萬騎田于海濱

師古曰濱涯也

列卒滿澤杲罔彌山

師古曰杲覆車也即今幡車罔也王

音賓又音頻

國免爰之詩曰雉罹於罟罟

掩菟麟鹿射麋格麟

師古曰麟

亦杲字耳彌竟也杲音浮

謂車踐轢之也音宏格字

驚於鹽浦割鮮染輪

張揖曰海水之

或作腳言特引其腳也

涯多出鹽也李奇曰鮮生也染搦也切生肉搦車輪鹽而食之也師古曰驚謂亂馳也搦搦也驚音務搦音如

閱反搵音  
一頓反

射中獲多矜而自功

師古曰自矜其能以為功也

顧謂僕

曰楚亦有平原廣澤遊獵之地饒樂若此者乎楚王之

獵孰與寡人

師古曰與猶如也

僕下車對曰臣楚國之鄙人也

幸得宿衛十有餘年時從出遊遊於後園

○宋祁曰一本無一遊字

覽於有無然猶未能徧覩也又烏足以言其外澤乎

○宋

祁曰一本無其字

齊王曰雖然畧以子之所聞見言之僕對曰

唯唯

師古曰唯唯恭應之辭也音弋癸反

臣聞楚有七澤嘗見其一未覩

其餘也臣之所見蓋特其小小者爾名曰雲夢雲夢者



方九百里其中有山焉其山則盤紆第鬱隆崇律崕

郭璞

曰詰屈竦起也第音佛○宋祁云越本無隆崇律崕四字

岑崕參差日月蔽虧

張揖曰高

山雍蔽日月虧缺半見也師古曰岑音仕林反崕音吟

交錯糾紛上干青雲

郭璞曰言

相摎結而峻絕罷池陂陀下屬江河

郭璞曰言旁積也屬連也罷音疲陂音婆陀音馳文

頽曰南方無河也冀州凡水大小俱謂之河詩賦通方言耳晉灼曰文章假借協陀之韻也師古曰文晉之說

皆非也下屬江河者總言山之廣大所連者遠耳於文無妨陂音普河反屬音之欲反

其土則丹

青赭堊雌黃白垺錫碧金銀

張揖曰丹丹沙也青青腹也赭赤赭也堊白堊也蘇

林曰白垺白石英也師古曰丹沙今之朱沙也青腹今之空青也赭今之赤土也堊今之白土也錫青金也碧

謂玉之青白色者也聖音

惡附音附附音一郭反

衆色炫耀照爛龍麟

師古曰言衆色

相耀若龍鱗之間雜也炫音州縣之縣

其石則赤玉玫瑰琳珉

吾曰琳

玉也珉石之次王者也昆吾山名也出善金尸子曰昆吾之金晉灼曰玫瑰火齊珠也師古曰火齊珠今南方

之出火珠也玫音枚

琳音林

珉音旻○宋祁云注文琳玉也越本玉作珠

珉功玄厲

張揖曰珉功石之次王者玄厲黑石可用磨也如淳曰珉音緘功音勒

礪石武夫

張揖曰皆石之

次玉者礪石白者如冰半有赤色武夫赤地白采葱蘢白黑不分郭璞曰礪音而究反

其東則有

蕙圃衡蘭芷若

張揖曰蕙圃蕙草之圃也衡杜衡也其狀若葵其臭如蘼蘼芷白芷若杜若也

師古曰蘭即今澤蘭也今流俗書本芷若下有射干字妄增之也○劉奉世曰澤蘭自別一種草非蘭也蘭今

管城多有之苗如麥門冬而長大花  
黃紫兩色宋祁曰南本浙本並作茝  
穹窮昌蒲江離蘼

蕪張揖曰江離香草也蘼蕪蘄芷也似蛇牀而香師古  
曰蘼蕪即穹窮苗也郭璞曰江離似水薺而藥對曰

蘼蕪一名江離張勃又云江離出臨海縣海水中色青  
似亂髮郭義恭云江離赤葉諸說不同未知孰是今無

識之者然非蘼諸柘巴且張揖曰諸柘甘柘也蕪莛蘼  
蕪也藥對誤耳荷也文穎曰巴且草一名巴

蕉師古曰文說巴且是也且音子余反蕪音普各反蕪  
莛自蘼荷耳非巴且也○劉奉世曰諸柘巴且四物也

諸山芋字當為諸且蕪莛其南則有平原廣澤登降陟  
也蕪音普各反蘼荷也

靡師古曰登上也降下也陟案衍壇曼師古曰寬  
靡旁表也陟音弋爾反廣之貌也緣以

大江限以巫山張揖曰巫山在南郡巫縣也其高燥則生葳析苞荔

張揖曰歲馬藍也析似燕麥苞蘆也荔馬荔蘇林曰析音斯師古曰蘆卽今所用作席者也馬荔今之馬蘭也歲音之林反苞音包荔音隸蘆音皮表反○宋祁云注文浙本蘇林上有也字薛莎青蘋張揖曰薛賴蒿也莎蒿侯也青蘋似莎而大生江湖鴈所食師古曰莎卽今青莎草蘋音煩○宋祁曰一本無薛莎青蘋四字並張其埤溼則生藏菰蕪葭郭璞曰藏菰草中牛馬芻菰荻也似藿而

細小葭蘆也師古曰埤音婢謂下地也葭音卽蒹葭音兼荻音敵東牆彫胡張揖曰東

彫胡菰米也師古曰東蓮藕觚蘆張揖曰蓮荷之實也其根藕張晏曰觚蘆

扈魯也郭璞曰荻蔣也蘆葦也師古曰書不為荻蘆字郭說非也但不知觚蘆於今是何草耳○劉奉世曰詞

人不從本字者固多何獨菴閭軒于張揖曰菴閭蒿也子可治疾軒于猶於此不然耶宜用郭說

草也生水中揚州有之  
師古曰奄音淹猶音猶

衆物居之不可勝圖

師古曰勝舉也不可

盡舉而圖寫之言其多也

其西則有涌泉清池激水推移

郭璞曰波抑揚也

外發夫容陵華內隱鉅石白沙

應劭曰夫容蓮華也陵芟也師古曰鉅大也

其中則有神龜蛟鼉毒冒鼈鼉

張揖曰蛟狀魚身而蛇尾皮有珠鼉似蜥蜴而

大身有甲皮可作鼓毒冒似紫蟻甲有文鼈似鼈而大  
師古曰張說蛟者乃是鮫魚非蛟龍之蛟也蛟解在武

紀鼉音徒何反又音大河反毒音代冒音妹他皆倣此  
○宋祁曰徒何大河二反是一音疑上云徒丹反丹何

近而相亂上林靈鼉亦自有注

其北則有陰林巨樹榎枏豫章

服虔曰陰林山

北之林也豫章大木也生七年乃可知師古曰陰林言  
其樹木衆而且大常多陰也榎音便又音步田反即今

黃梗木也楠音桂椒木蘭檠離朱楊師古曰桂即藥之南今所謂楠木

即所食椒樹也木蘭皮似椒而香可作面膏藥檠黃檠也離山梨也朱楊赤莖柳也生水邊楨梨枏

栗橘柚芬芳張揖曰楨似梨而甘枏枏棗也師古曰楨即今所謂楨子也枏棗即今之梗棗也柚

即橙也似橘而大味酢皮厚楨音側加反枏音弋整反柚音弋救反橙音丈莖反芬芳言橘柚之氣也○劉奉

世曰橙柚各自一種顏所說乃柚也其上則有宛雛孔鸞騰遠射干張揖曰宛

雛似鳳孔孔雀鸞鸞鳥也射干似狐能緣木服虔曰騰遠獸名也師古曰鸞鳥形如翟而五采文宛音於元反

射音弋其下則有白虎玄豹蝮蛇羆豸郭璞曰蝮蛇大舍反

羆似狸而大豸胡地野犬也似狐而小蝮音萬蛇音延豸音岸師古曰蛇又音弋戰反羆音丑于反豸合韻音

互安反

於是乎乃使剗諸之倫手格此獸

師古曰剗諸吳人刺吳王僚者

也方言勇士故舉以為類剗與專同

楚王乃駕馴駁之駟

張揖曰馴擾也駁如馬白身黑

尾一角鋸牙食虎豹擾而駕之以當駟馬也師古曰馴音旬○劉奉世曰馴駁止是駁馬耳虎嘗見而伏故出

獵駕之非真駁也

乘彫玉之輿

師古曰以玉飾輿而彫鏤之

靡魚須之橈旃

張揖曰以魚須為旃柄驅馳逐獸正橈靡也郭璞曰通帛為旃師古曰大魚之須出東海橈旃即曲旃也橈音

女教反

曳明月之珠旗

張揖曰以明月珠綴飾旗也

建干將之雄戟

張揖

曰干將韓王劍師也雄戟胡中有鉅者干將所造

左烏號之彫弓

應劭曰楚有柘桑烏棲其

上支下著地不得飛欲墮號呼故曰烏號張揖曰黃帝乘龍上天小臣不得上挽持龍頤頤拔墮黃帝弓臣下

抱弓而號故名弓烏號郭璞曰雕畫也師古曰烏號應張二說皆有據也

右夏服之勁箭

伏

日服盛箭器也夏后氏之良弓名煩弱其矢亦良即煩弱箭服也故曰夏服○宋祁曰南本勁作良

陽子

驂乘嬖阿為御

張揖曰陽子伯樂也秦繆公臣姓孫名陽郭璞曰嬖阿古之善御者嬖音織

案節未舒即陵狡獸

師古曰案節猶弭節也未舒言未盡意驅馳已凌狡獸狡捷之獸也

○宋祁曰注文當云已凌狡獸矣狡獸狡捷之獸也文合如此

螻蛸蛸距虛

張揖曰蛸蛸青

獸狀如馬距虛似贏而小郭璞曰距虛即蛸蛸變文互言耳師古曰據爾雅文郭說是也螻音子六反

軼

野馬轉駒駢

張揖曰軼過也野馬似馬而小北海內有獸狀如馬名駒駢郭璞曰轉車軸頭也師

古曰轉謂軸頭衝而殺之也軼音逸轉音衛駒音逃駢音塗

乘遺風射游騏

張揖曰遺風千



里馬也爾雅曰騶如馬一角不角者曰騶師古曰騶音攜騶音其

倏

倏倏音其疾貌也師

古曰倏音式六反脾音式

雷動

若雷之動如疾風也

至言其威且疾也

星流電擊弓不虛發中必決

此師古曰

獸之目眦言射

洞胷達掖絕乎心繫

張揖曰自左射之貫胷通右髑中心

絕系也師古曰髑謂肩前骨也音五口反繫讀曰系也

獲若雨獸揜少蔽地

師古曰言

獲殺之多如天雨獸也雨音于具反少古草字也

於是楚王乃弭節徘徊翱翔

容與

郭璞曰弭猶低也節所杖信節也翱翔容與言自得也師古曰弭節者示安徐也

覽乎陰

林觀壯士之暴怒與猛獸之恐懼徼覷受詘

蘇林曰徼音倦覷之

覷 𪔐音韞強之韞郭璞曰𪔐𪔐折也覷疲極𪔐音屈師  
古曰蘇音是也覷音與劇同𪔐音其勿反徼工堯反徼  
要也𪔐畫也言獸有倦極者要而取之力盡者  
受而有之○宋祁曰注文工堯反上當有音字

彈覷衆

物之變態

郭璞曰彈畫也變態姿

於是鄭女曼姬

文穎曰鄭

國出好女曼者言其色理曼澤也如淳曰鄭女夏姬也  
曼姬楚武王夫人鄧曼也師古曰文說是也○劉敞曰

予謂曼鄧姓也  
亦婦人通稱爾

被阿錫揄紵縞

張揖曰阿細縞也錫  
細布也揄引也師古

曰紵纖紵也縞鮮支也今之所謂素者也揄  
音踰又音投也○宋祁曰句末也字當刪

雜纖羅垂

霧縠

師古曰纖細也霧縠者言  
其輕靡如霧非謂縞文也

襞積褰縞鬱橈谿谷

張揖

曰襞積猶簡𪔐也褰縮也縞裁也其縞中文理芾鬱有  
似於谿谷也師古曰張說非也襞積即今之帟褊古所

謂皮弁素積者即謂此積也言襃積文理隨身所著或褰縞委屈如谿谷也襃音壁縞音側救反

衿衿

袞袞揚衺戍削

張揖曰衿音芬衺衣袖也戍鮮也削衣刻除貌也師古曰揚舉也衺也或舉

或曳則戍削然見其降殺之美也

蜚襪垂髻

張揖曰襪離鞋也髻

袞音霏衺音弋示反戍讀如本字

髻後垂也師古曰張說非也襪鞋衣之長帶也髻謂燕尾之屬皆衣上假飾也蜚古飛字也襪音織髻音所交

反扶輿猗靡

張揖曰扶持楚王車輿相隨也師古曰張說非也此自言鄭女曼姬為侍從者所扶

輿而猗靡耳非謂扶持楚王車輿也猗音於綺反今人猶呼相撫掩容養為猗靡○劉奉世曰扶輿猗靡此言

衣裳稱美之貌

翕呬萃蔡

張揖曰翕呬衣張起也萃蔡衣聲也師古曰呬音火甲反

萃音翠又音千賄反

下摩蘭蕙上拂羽蓋

師古曰下摩蘭蕙謂垂髻也上拂羽蓋謂飛襪

也 錯翡翠之歲

師古曰錯雜也歲羽飾貌

繆繞玉綏

張揖曰楚王車之綏

以玉飾之也郭璞曰綏登車所執也師古曰二說皆非也以玉飾綏謂鄭女曼姬之容服也綏即今之所謂采

纓垂鐻者也繆繞相纏結也繆音蓼纓音隈

眇眇忽忽若神之髣髴

郭璞曰言其容

飾奇豔非世所見戰國策曰鄭之美女於是乃羣相與粉白黛黑而立於衢不知者謂之神也

獠於蕙圃

文穎曰宵獠為獠師古曰獠音力笑反○劉奉世曰獠雖宵獠之名以訓此賦則不通直

獵 嬖嫫勃窣上金隄

師古曰嬖嫫勃窣謂行於叢薄之間也金隄言水之隄塘堅如金也

嬖音盤嫫音先安反窣音先忽反隄音丁兮反

揜翡翠射駿驎

師古曰鳥赤羽者曰翡翠羽者

曰翠駿驎驚鳥也似山雞而小冠背毛黃腹下赤項綠色其尾毛紅赤光采鮮明今俗呼為山雞其實非也駿

音峻 儀

微增出娥繳施

師古曰增短矢也繳生綵縷也

音增 繳音灼

弋白鵠連駕鷺

師古曰鵠水鳥也其鳴聲鵠鵠云駕鷺野鷺也連謂重累獲之

也鵠音胡沃反駕音加

雙鵠下玄鵠加

師古曰鵠鵠也今闕西呼為鵠鹿山東通謂之鵠鄙

俗名為錯落錯者亦言鵠聲之急耳又謂鵠將將音來奪反鵠鹿鵠將皆象其鳴聲也玄鵠黑鵠也相鵠經云

鶴壽滿二百六十歲則色純黑言弋射之妙既中

急而

後游於清池

郭璞曰怠倦也○宋祁云浙本南本後字下並有發字

浮文鷗

張揖曰鷗

水鳥也畫其象於船首淮南子曰龍舟鷗首天子之乘也師古曰鷗音五歷反

揚旌柂

張揖曰揚舉也

析羽為旌建於船上柂柂也師古曰柂音曳柂音大可反○宋祁曰柂柂並從木別本從柂誤

張翠帷

建羽蓋

郭璞曰施之船上也師古曰翠惟惟翠色也羽蓋以雜羽飾蓋

罔毒冒鈞紫貝

郭璞曰紫貝紫質黑文也師古曰貝水中介蟲古以為貨也

撻金鼓

師古曰撻撞也金鼓謂鉦也撻

音吹鳴籟

張揖曰籟簫也

榜人歌

張揖曰榜船也月令云命榜人榜人船長也主倡聲而歌

者也師古曰榜音謗又方孟反聲流喝

郭璞曰言悲嘶也師古曰喝音一介反嘶音蘇奚反

水蟲

駭波鴻沸

郭璞曰魚鼈躍濤浪作也師古曰沸音普蓋反

涌泉起奔揚會

郭璞曰暴

湓激相鼓薄也師古曰湓音普頓反

礪石相擊琅琅礪礪

師古曰礪石轉石也礪音盧對

反礪音蓋反

若雷霆之聲聞乎數百里外

○宋祁曰江南本里字下有之字

將息獠者擊靈鼓起烽燧

師古曰靈鼓六面擊之所以警衆也

車案行騎

就隊

師古曰案依也行列也隊部也行音胡郎反隊音矣內反

纚乎淫淫般乎裔裔

郭璞

曰皆羣行貌也師

於是楚王乃登陽雲之臺

孟康曰雲

古曰纚音展般音盤

夢中高唐之臺宋玉所賦者言其高出雲之陽也

泊乎無為澹乎自持

師古曰泊澹皆

安靜意也泊音步各反澹音徒濫反

勺藥之和具而後御之

伏儼曰勺藥以蘭桂調食

文穎曰五味之和也晉灼曰南都賦曰歸鴈鳴鵲香稻鮮魚以為勺藥酸甜滋味百種千名文說是也師古曰

諸家之說皆未當也勺藥藥草名其根主和五藏又辟毒氣故合之於蘭桂五味以助諸食因呼五味之和為

勺藥耳讀賦之士不得其意妄為音訓以誤後學今人食馬肝馬腸者猶合勺藥而煮之豈非古之遺法乎鵲

音竹

不若大王終日馳騁曾不下輿將割輪焮自以為

娛

師古曰將字與醬同焯音于內反焯亦溫染之義耳言醬割其肉搵車輪鹽而食之此蓋以譏上割鮮染

輪之言也

臣竊觀之齊殆不如

師古曰殆近也

於是王無以應僕也

烏有先生曰是何言之過也足下不遠千里來汎齊國

師古曰言有惠賜而來也

王悉境內之士備車騎之衆

師古曰悉盡也

與使

者出田乃欲戮力致獲以娛左右也

師古曰謙不斥言使者故指云其左

右也何名為夸哉問楚地之有無者願聞大國之風烈先

生之餘論也

張晏曰願聞先賢之遺談美論也師古曰此說非也先生即謂子虛耳下又言先生

行之豈先賢也今足下不稱楚王之德厚而盛推雲夢以為驕



奢言淫樂而顯侈靡竊為足下不取也必若所言固非

楚國之美也有而言之是章君之惡也無而言之是害

足下之信也章君惡傷私義

師古曰非楚國之美是章君惡害足下之信是傷私

義也二者無一可而先生行之必且輕於齊而累於楚矣

師古曰言楚使者失辭自為累重而於齊無所負檐故云輕也累音力瑞反

且齊東階鉅海

南有琅邪

蘇林曰小洲曰階張揖曰琅邪臺名也在勃海間師古曰東階鉅海東有大海之階字與

渚同也觀乎成山

張揖曰觀闕也成山在東萊不夜縣於其上築宮闕師古曰觀音工喚反射

乎之罘

晉灼曰之罘山在東萊縣射獵其上師古曰罘音直瑞反又音誰

浮勃澥

師古

曰勃游海別枝也游音蟹

游孟諸

澤也故屬齊文穎曰宋之大

邪與肅慎為鄰

郭璞

曰肅慎國名在海外也師古曰邪讀為斜謂東北接也○宋祁曰注文斜或作衰

右以湯谷為

界

師古曰湯谷曰所出也許慎云熱如湯也○劉奉世曰右當為左

秋田乎青丘

服虔曰青

丘國在海東三百里

仿徨乎海外

師古曰仿音旁

吞若雲夢者八九其於

胥中曾不蒂芥

張揖曰蒂芥刺鯁也師古曰蒂音丑介反

若乃倏儻瑰瑋異

方殊類

師古曰倏儻猶非常也倏音吐歷反

珍怪鳥獸萬端鱗峙

師古曰峙與萃

同萃集也如鱗之集言其多也

充仞其中者不可勝記禹不能名高不

能計

張揖曰禹為堯司空辨九州名山別草木為堯司徒敷五教率萬事師古曰言其所有衆多雖禹

高之賢聖不能名而數之也

然在諸侯之位不敢言游戲之樂苑囿

之大先生又見客

師古曰見猶至也言至此國為客也若今人自稱云見顧見眷耳

是

以王辭不復

師古曰復反也謂不反報也

何為無以應哉亡是公听

然而笑曰

師古曰听笑貌也音斷又音牛隱反

楚則失矣而齊亦未為得

也夫使諸侯納貢者非為財幣所以述職也

郭璞曰諸侯朝於天

子曰述職師古曰述循也謂順行也

封疆畫界者非為守禦所以禁淫也

郭璞曰天下有道守在四夷立境界者欲以禁絕淫放耳師古曰疆讀曰疆

今齊列為東蕃

而外私肅慎

郭璞曰私與通也

捐國隄限越海而田

師古曰捐棄也謂田

於青丘也其於義固未可也且二君之論不務明君臣之義

正諸侯之禮徒事爭於遊戲之樂苑囿之大欲以奢侈

相勝荒淫相越此不可以揚名發譽而適足以專君自

損也師古曰專古貶字且夫齊楚之事又烏足道乎師古曰烏於何也道

言也君未覩夫巨麗也師古曰巨大也麗美也獨不聞天子之上林

乎左蒼梧右西極文穎曰蒼梧郡屬交州在長安東南故言左爾雅曰西至于幽國為西極

在長安西丹水更其南應劭曰丹水出上洛冢領山東故言右也南至析縣入鈞水師古曰更歷

也音工紫淵徑其北文穎曰西河穀羅縣有紫澤在縣西北於長安為在北也終始

衡反

# 霸產出入涇渭

師古曰霸水出藍田谷西北而入渭產水亦出藍田谷北至霸陵入霸二水終

始盡於苑中不復出也涇水出安定涇陽開頭山東至陽陵入渭渭水出隴西首陽縣烏鼠同穴山東北至華

陰入河從苑外來又出苑去也音牽又音口見反酆鎬潦滴紆餘委蛇經營其

內應劭曰潦流也滴涌出聲也張揖曰澧水出鄠南山澧谷北入渭鎬在昆明池北潦行潦也又有滴水出

南山晉灼曰下言八川計從丹水以下至滴除潦為行潦凡九川從霸產以下為數凡七川滴音決滴水涌出

聲也除潦滴下為水餘適八下言經營其內於數則計其外者矣師古曰應晉二說皆非也張言潦為行潦又

失之潦音牢水名也出鄠縣西南山潦谷而北流入于渭上言左蒼梧右西極丹水更其南紫泉徑其北皆謂

苑外耳丹水紫泉非八川數也霸產涇渭豐鎬潦滴是為八川言經營其內信則然矣地理志鄠縣有滴水北

過上林苑入渭而今之鄠縣則無此水許慎云滴水在京兆杜陵此即今所為沈水從皇子陂西北流經昆明池入渭者也蓋為字或作水旁穴與沈字相似俗人因名沈水乎將鄠縣滴水今則改名人不識也但八川之義實在於斯目

蕩蕩乎八川分流相背異態

郭璞曰變態不同也

東西南

北馳騫往來

郭璞曰言更相錯涉也師古曰來音盧代反

出乎椒丘之闕

服虔

曰丘名也兩山俱起象雙闕者行乎州淤之浦

師古曰水中可居者曰州淤漫也浦水涯也淤

音於徑乎桂林之中

如淳曰桂樹之林也

過乎泂莽之壁

張揖曰山海經

所謂大荒之野也師古曰凡言此者著水流之長遠也泂音烏朗反

汨乎混流順阿而下

師古曰汨疾貌也混流豐流也曲

赴隘陜之口

師古曰兩岸間

相迫近者也隘音

於懈反隘音狹 觸穹石激堆埼

張揖曰穹石大石也 埼曲岸頭也師古曰

堆高阜也音丁回 反埼音巨依反

沸乎暴怒

郭璞曰沸水聲也

洶涌澎湃

師古曰洶

涌跳起也彭湃相戾也洶音許勇反湃音普拜反

渾弗宓汨

蘇林曰渾音畢宓音密師古曰渾弗

盛貌也宓汨去疾也汨音于筆反

偪側泌瀝

郭璞曰泌瀝音筆擲師古曰偪側相逼也泌瀝相楔

也偪字與逼同 楔音先結反

橫流逆折轉騰漑洌

孟康曰轉騰相過也漑洌相撒也師

古曰漑音匹列反洌音列撒又音普結反

滂淠沆漑

郭璞曰滂音旁淠音匹沆漑音胡慨反皆水

流聲貌師古曰沆音胡朗反

穹隆雲橈

師古曰橈曲也言水急旋回如雲之屈曲也橈音女教反

宛渾膠盭

郭璞曰憤薄相膠也師古曰宛音婉渾音善盭古戾字

踰波趨汜汜汜

下瀨

郭璞曰踰躍也。浥，窾陷也。涖，涖聲也。師

批巖衝擁

奔揚滯沛

師古曰：批，反擊也。擁，曲隈也。言水觸批巖崖而衝隈曲，則奔揚而滯沛然也。批，音步結反。

滯音丑制反

臨坻注壑澆濤實隊

師古曰：坻，謂水中隆高處也。秦風終南之

沛音普蓋反

詩曰：宛在水中坻。坻，音遲澆音士咸反。濤音才弱反。又音仕角反。實，即隕字。隊音直類反。沈沈隱隱

砢磅訇磔

師古曰：砢音普冰反。磅音普萌反。訇音呼宏反。磔音口蓋反。皆水流鼓怒之聲也。

滴

滴澍澍淪渠鼎沸

郭璞曰：皆水微轉細涌貌也。澍音骨淪音勅立反。師古曰：滴音決。渠音子

入反。言水之流如鑿鼎沸也。

馳波跳沫汨急漂疾

晉灼曰：急音華。給反。郭璞曰：急音許

立反。師古曰：言水波急馳而白沫跳起汨急然也。汨音于筆反。急音郭二音。皆通漂音匹遙反。悠遠長



懷寂謬無聲

郭璞曰懷亦歸變文耳謬音聊師古曰言長流安靜

肆乎永歸然後

灝漭潢漾

郭璞曰皆水無涯際貌師古曰灝音浩潢音弋少反潢音胡廣反漾音弋丈反肆放也言

水放流而長歸也

安翔徐徊

郭璞曰言運轉也

翬乎漤漤

郭璞曰水白光貌也師古

曰翬音胡角反漤音鎬

東注大湖

郭璞曰大湖在吳縣尚書所謂震澤也

衍溢陂池

郭璞曰言溢溢而出也陂池江旁小水

於是蛟龍赤螭

文穎曰龍子為螭張揖曰亦螭雌龍

也如淳曰螭山神也獸形師古曰許慎云禹山神也字則單作禹形若龍字乃從虫此作螭別是一物既非山神又非雌龍龍子三家之說皆失之虫音許尾反○劉奉世曰尋師古之說既不以三家為然則是螭字本不從虫也故云別是一物矣後

鮪鱮漸離

李奇曰周洛曰鮪蜀曰鮪鱮出



邊也師古曰礫音歷的礫光貌也江

麻江邊靡迤之處也迤音弋爾反

可入音**砢**張揖曰蜀石次王者也郭璞曰砢石黃色水玉水

精也師古曰砢音如充反磊音洛賄反砢音洛可反

可入音**磷磷**爛爛采色**潏汗**郭璞曰皆王石符采映曜

積乎其中**鵠鵠**鵠鵠駕鵠屬玉張揖曰鵠大鳥也郭璞

無後指屬玉似鵠而大長頸赤目紫紺色鵠音肅鵠音

保師古曰鵠古鴻字鵠即今俗呼為獨豹者也豹者鵠

聲之訛耳駕音加屬**交精旋目**郭璞曰交精似鳧而腳

音之欲反鵠音霜高有毛冠辟火災旋目

未聞也師古曰今荆郢間有水鳥大於鷺而短尾

其色紅白深目目旁毛皆長而旋此其旋目乎

**庸渠**郭璞曰煩鶩鴈屬也庸渠似鳧灰色而鷄腳一

名章渠鶩音木師古曰庸渠即今之水鷄也

**箴**

疵鵠盧

張揖曰箴疵似魚虎而蒼黑色鵠鵠頭鳥也盧白雉也郭璞曰盧盧鵠也箴音針師古曰盧郭

說是也白雉不浮水上疵音資鵠音火交反鵠音鳥了反鵠音慈也○宋祁曰注文鵠字並當作鵠羣浮

乎其上浮淫汜濫隨風澹淡

郭璞曰皆鳥任風波自濫漂貌師古曰汎音馮汜音

數翮反澹音大覽反淡音琰與波揺蕩奄薄水渚

張揖曰奄覆也草叢生曰薄郭璞曰

薄猶集也師古曰薄郭說噉噉菁藻咀嚼菱藕

張揖曰菱菱也

是也言奄集渚上而遊噉噉菁藻咀嚼菱藕

於

乎崇山矗矗龍從崔巍

郭璞曰皆高峻貌也龍音籠從音才總反崔音催巍音五回反

師古曰深林巨木斲巖參差

師古曰斲巖尖銳貌參差不齊也斲音士銜反參音

楚林反差  
音楚宜反

九峻嶺薛南山峩峩

師古曰九峻山今在醴泉縣界嶺薛山即今所

謂差峩山也在三原縣西也南山終南山也峩峩高貌  
峻音子公反又音總嶺音嶺薛音嶺薛又音在割五

割反我  
音娥

巖陀巖嶠嵒嶠

張揖曰嵒嵒高貌嶠嶠斗絕也蘇林曰嵒音頽水反

嵒音卒鄙反郭璞曰陀岸際也音牙巖嶠隆屈窠折貌

巖音魚晚反嶠音嶠嶠音嶠嶠音倚嵒音作罪反嵒字

作委師古曰蘇郭兩說並通

振溪通谷蹇產溝瀆

張揖曰振

郭音作罪反又音將水反

拔也水注川曰溪注溪曰谷蹇產屈折也郭璞曰自溪及瀆皆水相通注也

谷呀豁間阜陵

別鵠

郭璞曰呀呀豁間澗谷之形容也鵠水中山也呀音呼含反呀音呼加反間音呼下反鵠音禱師古

曰大阜曰陵言阜陵居在水  
中各別為鵠也豁音呼活反

歲硯崑鹿丘虛堀囿

郭璞曰皆

其形勢也歲音於鬼反魄音魚鬼反冀音惡罪反鹿音  
鹿虛音墟堀音窟壘音磊師古曰魄又音於陟及鹿音

胡賄反隱轉鬱壘登降施靡郭璞曰隱轉音洛盡反師古曰壘音  
貌轉音洛盡反師古曰壘音

律施音弋爾反陂池驛旁郭璞曰陂池旁積貌也陂音  
施靡猶連延也

又音彼奇反允溶淫鬻張揖曰水流溪谷之間也散渙  
驛又音彼

夷陸師古曰散渙分散而渙然也易曰亭臯千里靡不  
風行水上渙夷平也廣平曰陸

被築師古曰為亭候於臯隰之中千里揜以綠蕙張揖  
相接皆築令平也被音皮義反

覆也綠王芻也蕙薰草也師古曰被以江離糝以薜蘿  
綠蕙言蕙草色綠耳非王芻也

雜以留夷張揖曰留夷新夷也師古曰留布結縷師古  
夷香草也非新夷新夷乃樹耳

縷蔓生著地之處皆生細根如綫相結故名結縷今俗呼鼓箏草兩幼童對銜之手鼓中央則聲如箏也周以

名攢戾莎師古曰攢聚也戾莎言莎草相交戾也攢音材官反揭車衡蘭應劭曰揭車一

名芑興香草也師古曰稿本射干師古曰稿本草類白並根似芑窮射干即

烏扇耳射音弋舍反訛薑藁荷如淳曰訛薑薑上齊也師古曰薑之息生者連其株本則紫色也藁

荷尊蔓也根旁生笋可以為茹又治蠱毒訛音紫藁音人羊反○宋祁曰注文蔓越本作苴歲持若

蓀如淳曰歲音鍼張揖曰歲持闕若杜若也蓀香草也師古曰歲寒漿也持當為符字之誤耳符鬼目也杜

若苗頗類薑而為椶葉之狀今流俗書本持字或作楮非也後人妄改耳其下乃言黃甘橙榛此無橙也歲音

之林反鮮支黃礫師古曰鮮支即今支子樹也黃礫今用染者黃屑之木也二者雖非草類

前漢書

既云延曼太原或

者賦雜言之耳 蔣芋青頰

張揖曰蔣孤也芋三稜也郭璞曰芋音孖師古曰蔣

音將芋音

布獲閔澤延曼太原

郭璞曰布獲猶布露也師古曰閔亦大也獲音

文與反

護延音

離靡廣衍

師古曰離靡謂相連不絕也衍布也離音力爾反

應風披靡

弋戰反

吐芳揚烈

師古曰烈酷烈之氣也披音丕儀反

郁郁菲菲衆香發越

郭璞曰香

氣射散也

盼蠻布寫晻愛必第

師古曰盼蠻盛作也寫吐也晻愛必第皆芳香

菲音妃

意也盼音許乙反

蠻音響晻音奄入音烏感反

於是乎

愛音愛必音步必反

第音勃愛字或作隱也

周覽汜觀

師古曰汜普也音敷

纈紛軋芳

孟康曰纈紛衆盛也軋芳緻密也師古曰

纈音爭忍反軋音於黠反芳音勿

芒芒恍忽

郭璞曰言眼亂也師

○宋祁曰越本注文纈音丑人反



古曰芒音  
莫郎反

視之無端察之無涯

師古曰涯畔也音儀

日出東沼入

虜西陂

張揖曰朝出苑之東池莫入於苑西陂中也

其南則隆冬生長涌水

躍波

師古曰言其土地氣溫經冬草木不死水不凍

其獸則庸旄貊犛牛麋

麋

張揖曰旄旄牛其狀如牛而四節毛犛牛黑色出西南徼外沈牛水牛也能沈沒水中麋似鹿而大郭璞

曰庸牛領有肉堆獮似熊羆脚銳髻骨無髓食銅鐵獮音貊聲音狸師古曰庸牛即今之犛牛也旄牛即今所

謂偏牛者也犛牛即今之貓牛者也犛字又音茅麋音主

赤首圜題窮奇象犀

張揖曰題

額也窮奇狀如牛而蜎毛其音如哞狗食人師古曰象大獸也長鼻牙長一大犀頭似豬一角在鼻一角在額

前  
其北則盛夏含凍裂地涉冰揭河

師古曰言其土地氣寒當暑凝凍地

為之裂故涉冰而渡河也揭褰衣也詩邶風其獸則麒

麟角端駒駼橐駝

張揖曰雄曰麒麟雌曰麟其狀麋身牛尾狼題一角角端似牛其角可以為

弓郭璞曰麒麟似麟而無角角端似猪角在鼻上中作弓師古曰麒麟角端郭說是也橐駝者言其可負橐囊而

駞物故以名云蛩蛩驪駼駼驢驘駼郭璞曰驪駼駼駼類也駼音

顛駼音奚駼音提於是乎離宮別館彌山跨谷師古曰彌滿音決駼音提

高廊四注重坐曲閣

師古曰廊堂下四周屋也重坐謂增室也曲閣閣之屈曲相連者也

華榱壁璫輦道纚屬

師古曰榱椽也華謂彫畫之也壁璫以玉為榱頭當即所謂璇題玉

題者也一曰以玉飾瓦之當也輦道謂閣道可以乘輦而行者也纚屬纚迤相連屬也纚音力爾反屬音之欲

反

步欄周流長途中宿

師古曰步欄言其下可行步即今之步廊也謂其途長遠雖經

日行之尚不能達故中道而宿也

夷巖築堂繫臺增成

師古曰夷平也山之高聚者曰

巖繫古累字言平山而築堂於其上為累臺也增重也一重為一成也巖音子公反

巖突洞房

師古

曰於巖穴底為室若竈突然潛通臺上

頰香耿而無見仰手撩而捫天

師古

曰頰古俯字也香耿視遠貌并古攀字也撩揅也捫摸也言臺榭之高有升上之者俯視則不見地仰攀其椽

可以摸天也撩

奔星更於閨闈宛虹拖於楯軒

師古曰奔星流

音老捫音門

星也更歷也閨闈宮中小門也宛虹屈曲之虹也拖謂

申加於上也楯軒軒之蘭板也並言室宇之高故星虹

得經加之也更音工衡反虹音

青龍蚺蟺於東箱象輿

紅拖音吐賀反又音徒可反

婉憚於西清

師古曰象輿瑞應車也西清者西箱清靜之處也蚺蚺婉憚皆行動之貌蚺音一糾

反蠲音力糾反彈音善

靈園燕於閒館

張揖曰靈園衆仙號也師古曰閒讀曰閑

偃佺

之倫暴於南榮

郭璞曰偃佺仙人也食松子而眼方暴謂偃卧日中也榮屋南檐也偃音握佺

音銓醴泉涌於清室通川過於中庭

師古曰醴泉瑞水味甘如醴言於室中涌

出而通流為川

磐石振崖

孟康曰振砢致也崖廉也以石致川之廉也師古曰砢砢

並音之忍反致音直二反謂重密而累積

嶽巖倚傾

郭璞曰嶽巖歌貌師古曰嶽音口衡反倚音於

綺嵯峨刻削崢嶸

蘇林曰削音峭峻之峭崢音儕爭反嵯音戶抨反郭璞曰言自

然若彫刻也嵯音昨盍反嶸音五盍反師古曰直言刻削耳非云峭峻郭說是也嵯音捷嶸音業

玫瑰

碧琳珊瑚叢生

郭璞曰珊瑚生水底石邊大者樹高三尺餘枝格交錯無有葉

珉玉旁

唐玢幽文璘

蘇林曰玢音分郭璞曰旁唐言盤璘璘幽文璘貌師古曰旁唐文石也唐字本作碭

言珉玉及石並玢幽也玢音彼旻反幽又音彼閑反

赤瑕駁犖雜甫其間

張揖曰赤瑕亦

玉也郭璞曰言雜厠崖石中

鼉采琬琰和氏出焉

師古曰鼉

古朝字也朝采者美玉每旦有白虹之氣光采上出故名朝采猶言夜光之璧矣琬琰美玉名和氏之璧卞和

所得亦美玉也言今皆出於上林

於是乎盧橘夏孰

應劭曰伊尹書曰箕山之東青馬之

所有盧橘夏孰晉灼曰此雖賦上林博引異方珍奇不係於一也師古曰盧黑色也

黃甘橙棗

曰黃甘橘屬而味精棗亦橘之類也音湊張揖曰棗小橘也出武陵師古曰橙即柚也音丈耕反

枇杷

樵柿亭柰厚朴

張揖曰枇杷似斛樹長葉子若杏樵樵支香草也亭山柰也厚朴藥名也郭璞

曰樵支木也師古曰此二句總論樹木不得雜以香草也樵郭說得之朴木皮也此藥以皮為用而皮厚故呼

厚朴云樵音煙朴音匹角反

檇棗楊梅

張揖曰楊梅其實似穀子櫻而有核其味酢出江南也

桃蒲陶

師古曰櫻桃即今之朱櫻也禮記謂含桃爾雅謂之荆桃櫻音於耕反

隱夫萸棣

師古曰隱夫未詳萸即今之郁李也棣今之山櫻桃萸音於六反棣音徒計反

荅還離支

張揖曰荅

還似李出蜀晉灼曰離支大如雞子皮麤剥去皮肌如雞子中黃味甘多酢少師古曰還音沓離音力智反

羅乎後宮列乎北園馳丘陵下平原

師古曰馳猶延也一日次第而重也

馳音弋  
跂反

揚翠葉抗紫莖

師古曰抗搖也音兀

發紅華垂朱榮煌煌

扈扈照曜鉅野

師古曰言其光采之盛也鉅野大野煌音皇

沙棠櫟櫨

張揖曰沙

棠狀如棠黃華赤實其味似李無核呂氏春秋曰果之美者沙棠之實櫟果名也櫨似枰葉冬不落應劭曰櫟

采木也郭璞曰櫨似采柔師古曰櫟非果名又非采木之櫟蓋木蓼也葉辛初生可食音虛櫨音諸采音菜柔

音食諸反○宋祁曰柔字當作食渚反

華楓枰櫨

師古曰華即今之皮貼弓者也楓樹脂可為香

今之楓膠香也爾雅云一名楸枰枰即平仲木也櫨

留

落胥邪仁頻并問

張揖曰并問櫨也郭璞曰落獲也中作器素胥邪似并問皮可作索師古

曰仁頻即賓稂也頻字或作賓胥音先余反邪音弋奢反獲音獲

櫨檀木蘭

孟康曰櫨檀檀別名

郭璞曰櫨音讒豫章女貞

師古曰女貞樹冬夏常青未嘗凋落若有節操故以名焉

長千仞

大連抱

師古曰八尺曰初連抱者言非一人所抱

夸條直暢實葉後楸

郭璞曰夸

張布也張揖曰後角也師古曰暢通也通謂上下相稱也後音峻楸古茂字也用音踊

攢立叢倚

連卷欒佹

師古曰攢立聚立也叢倚相倚也連卷屈曲也欒佹支柱也倚音於綺反卷音丘專反又

音巨專反欒音力爾反佹音詭○宋祁曰注文柱景本作佳

崔錯夔

師古曰崔錯交雜也夔委

蟠戾也崔音千賄反夔音步葛反散古委字

坑衡間

師古曰坑衡徑直貌也間坑相扶持也坑

音口庚反間音烏可反硠音來可反坑字或作抗言樹之支幹相抗爭衡也其義兩通

垂條扶疏

落英幡纚

師古曰扶疏四布也英謂華也幡纚飛揚貌也纚音山爾反

紛溶蓊蔕

柅從風

郭璞曰紛溶蓊蔕支疎擢也倚柅猶阿邴也蓊音蕭蔕音森倚音於氏反柅音諾氏反師古曰



溶音容箭亦音山交反

薊荏荏歛

師古曰林木鼓動之聲也薊音劉荏音利荏古卉字也音諱歛

音翁益象金石之聲管籥之音

師古曰金石謂鐘磬也管長一尺圍一寸大孔無底

籥三孔並以竹為之

柴池訖虎旋還乎後宮

如淳曰訖音此虎音牙張揖曰柴池參差

也訖虎不齊也郭璞曰柴音差還還繞也音官

雜襲繫輯

師古曰雜襲相因也繫輯重積也繫古累

字輯與集同

被山緣谷循阪下隰

師古曰循順也下溼曰隰

視之無端究

之亡窮於是乎玄猿素雌雌獲飛蠋

張揖曰雌如母猴印鼻而長尾獲似

彌猴而大飛蠋飛鼠也其狀如兔而鼠首以其顛飛郭璞曰蠋鼯鼠也毛紫赤色飛且生一名飛生雌音贈遺

之遺蠋音詠師古曰玄猿素雌言猿之雄者玄黑而雌者白素也爾雅曰獲父善顧也獲音獲鼯音吾

蛭

蝟

如淳曰蝟音質張揖曰蝟蟣也蝟蟣也蝟蟣也蝟蟣也蝟蟣也

蟬聿於事類如說非也但未詳是何獸耳蝟音乃高反入音柔即今所謂戎皮為鞞襜者也戎音柔聲之轉耳

非彌猴也○宋

獬

張揖曰獬胡似彌猴頭上有

璞曰穀似麋而大要以後黃一名黃要食彌猴蛇未聞也獬音讒穀音呼穀反蛇音說師古曰穀郭說是也

棲息乎其間長嘯哀鳴翮幡互經

郭璞曰互相經過也

天

格偃蹇杪顛

郭璞曰皆猿猴在樹共戲恣態也大嬌頻申也師古曰杪顛枝上端也嬌音矯杪音

眇踰絕梁騰殊榛

師古曰絕梁謂正絕水無橋梁也殊榛特立株杌也言超度無梁之水而

跳上株杌之上也踰字與踰捷垂條掉希間

張揖曰捷持縣垂之

條掉往著希疏無枝之間也師古曰掉音徒鈞反

牢落陸離爛漫遠遷

師古曰言其聚

散不恒雜亂移徙也

若此者數百千處娛游往來宮宿館舍

師古曰娛

戲也戲音許其反

庖厨不徙後宮不移百官備具

師古曰言所在之處供具

皆足也

於是乎背秋涉冬天子校獵

李奇曰以五校兵出獵也師古曰李說非

也校獵者以木相貫穿總為闌校遮止禽獸而獵取之說者或以為周官校人掌田獵之馬因云校獵亦失其義養馬稱校人者謂以為闌校以養馬耳故呼為闌也事具周禮非以獵馬故稱校人

乘鏤象六

玉蚪

張揖曰鏤象象路也以象牙疏鏤其車輅六玉蚪謂駕六馬以玉飾其鑣勒有似玉蚪龍子有角曰

蚪

拖蛺旌

張揖曰析羽毛染以五采綴以鏤為旌有似虹蛺之氣也師古曰拖音土賀反入音徒可

反 靡雲旗

張揖曰畫熊虎於旒為旗似雲氣

前皮軒後道游

文穎曰皮軒以虎皮

飾車天子出道車五乘游車九乘在乘輿車前賦頌為偶辭耳師古曰文說非也言皮軒最居前而道游次皮軒之後耳非謂在乘輿之後也皮軒之上以赤皮為重蓋今此制尚存又非猛獸之皮用飾車也道讀曰導

孫叔奉轡衛公參乘

鄭氏曰孫叔者太僕公孫賀也字子叔衛公者大將軍衛青也大駕

太僕御大將軍參乘師古曰參乘在車之右也解具在文紀也

扈從橫行出乎四校之

中

文穎曰凡五校今言四者一校中隨天子乘輿也師古曰此說又非也四校者闌校之四面也言其跋扈

縱恣而行出於校之四外也

鼓嚴簿縱獵者

孟康曰鼓嚴嚴鼓也簿鹵簿也師古曰縱放也

簿音步

江河為陸泰山為櫓

蘇林曰陸獵者圍陳遮禽獸也張揖曰櫓大盾以為

翳也郭璞曰櫓望樓也因山谷遮禽獸為陸師古曰因江河以遮禽登泰山而望獲言田獵之廣遠耳郭說是

也陸音祛車騎雷起殷天動地郭璞曰殷猶震也師古曰雷古雷字也殷音隱先後

陸離離散別追師古曰陸離分散也言各有淫淫喬喬所追逐也追合韻音竹遂反

緣陵流澤雲布雨施郭璞曰言生貌豹搏豺狼郭璞曰獬執夷

虎屬也音毗師古曰貌豹二物皆猛獸也生謂生取之也搏擊也手熊羆足羆羊日熊

犬身人足黑色羆如熊黃白色羆羊麀羊也似羊而青師古曰羆羊今之所謂山羊也非麀羊矣手言手擊殺

之足謂蹙蒙鵯蘇孟康曰鵯鵯尾也蘇析羽也張揖曰蹙而獲之蒙鵯蘇鵯似雉鬪死不卻郭璞曰蒙其尾為

帽也鵯音曷絳白虎張揖曰著白虎文絳被斑文師古曰被音曷也師古曰絳古袴字謂衣著之

也斑文亦驅豹之跨壄馬

師古曰騎之也

陵三巘之危

師古曰陵上也

三巘三聚之山也

下磧歷之坻

師古曰磧歷沙石之貌也坻水中高處也磧音千秋反坻音遲

徑峻赴險越壑厲水

師古曰厲以衣度也

推蜚廉弄解廌

郭璞曰飛廉龍

雀也鳥身鹿頭張揖曰解廌似鹿而一角人君刑罰得中則生於朝廷主觸不直者可得而弄也師古曰推亦

謂弄之也其字從手今流俗讀作推擊之推失其義矣解音蟹廌音文介反

格蝦蛤鋌猛氏

孟康曰蝦蛤猛氏皆獸名也郭璞曰今蜀中有獸狀似熊而小毛淺有光澤名猛氏師古曰鋌鐵把短矛也蝦

音遐蛤音閔鋌音蟬

絹要褭射封豕

張揖曰要褭馬銚喙赤色一日行萬里者郭璞曰封豕大

豬也要褭音窈嫺師古曰絹謂羅縠之也音工犬反

箭不苟害解胆陷腦弓不虛

發應聲而倒

張揖曰脰項也師古曰言射必命中非詭遇也脰音豆

於是乘輿弭

節徘徊翱翔往來

郭璞曰言周旋也

晚部曲之進退覽將帥之

變態

師古曰晚衰視也部曲解在李廣傳晚音五計反

然後侵淫促節

郭璞曰言短驅

也 脩負遠去

師古曰脩然疾遠貌

流離輕禽蹇履狡獸

師古曰流離困

苦之

輶白鹿捷狡菟

郭璞曰狡菟健跳故捷取之也○宋祁曰南本郭璞曰下云輶軸也

言軸輶白鹿追捷狡兔也輶音衛余謂子虛賦已於輶駒騶下注並音矣此疑不合再出

軼赤電遺

光耀

張揖曰軼過也郭璞曰皆妖氣為變怪者遊光之屬

追怪物出宇宙

張揖曰怪物奇

禽也天地四方曰宇古往今來曰宙師古曰張說宙非也許氏說大解字云宙丹輿所極覆也

彎蕃弱

滿白羽

文穎曰彎牽也蕃弱夏后氏之良弓名引弓盡箭鏑為滿以白羽羽箭故言白羽也師古曰彎

音烏還反蕃音扶元反

射游臬櫟蜚遽

張揖曰臬惡鳥故射之也櫟梢也飛遽天上神獸也

鹿頭而龍身郭璞曰臬臬羊也似人長脣被髮食人師古曰臬郭說近是矣非謂惡鳥之臬也櫟音洛遽音鉅

擇肉而後發先中而命處

郭璞曰言必如所志者也

弦矢分藝殪仆

文穎曰所射準的為藝一發死為殪郭璞曰仆斃也殪音翳仆音赴師古曰言弦矢適分則殪死而仆如射藝

也藝謂射的即今之垛上櫟也藝讀與藝同字亦作臬音魚列反

然後揚節而上浮

郭璞

曰言騰遠也

陵驚風歷駭歎

師古曰歎謂疾風從下而上也音必遙反

乘虛亡與

神俱

張揖曰虛無寥廓與天通靈言其所乘氣之高故能出飛鳥之上而與神俱也

蘭玄鶴亂



昆雞

張揖曰昆雞似鶴黃白色郭璞曰亂者言亂其行伍也

遁孔鸞促駿鷁

郭璞曰遁

促皆追捕之也師古曰遁音材由反

拂翳鳥

張揖曰山海經曰九疑之山有五采之鳥名曰翳鳥也

捎鳳皇

師古曰捎音山交反

捷鷁鷁捎焦明

張揖曰焦明似鳳西方之鳥也

道盡

塗殫迴車而還消擔乎襄羊降集乎北紘

張揖曰淮南子云九州之

外曰八澤八澤之外乃有八紘北方之紘曰委羽郭璞曰襄羊猶彷徨也師古曰紘音宏

率乎直指

然直去意

揜乎反鄉

師古曰揜然疾歸貌

歷石關歷封巒過堆鵠

望露寒

張揖曰此四觀武帝建元中作在雲陽甘泉宮外師古曰蹶躅歷經也慶音鉅月反巒音鸞雞

音支○宋祁曰雄越本作鳩

下棠梨息宜春

張揖曰棠梨宮名在雲陽東南三十里師古曰宜春

宮名在杜縣東即今曲江池是其處也

西馳宣曲

張揖曰宣曲宮名也在昆明池曲

濯鵠

牛首

張揖曰牛首池名也在上林苑西頭師古曰濯者所以刺船也鵠即鵠首之舟也濯音直孝反

登

龍臺

張揖曰觀名也在豐水西北近渭

掩細柳

郭璞曰觀名也在昆明池南也

觀士大

夫之勤略

師古曰略智略也觀士之勤大夫之略也

釣獵者之所得獲

郭璞曰平

其多徒車之所閤轢

郭璞曰徒步也閤踐也轢轢也音來各反師古曰轢音女展反

騎

之所蹂若人之所蹈藉

師古曰蹂若謂踐蹋也蹂音人九反○劉歆曰徒字乃助辭徒

猶但也若亦助辭若預及之辭與其窮極倦欲驚憚驚伏

郭璞曰窮極倦欲疲憊也

驚憚驚伏驚怖不動貌師古曰欲音劇憚音丁曷反驚音之涉反

不被創刃而死者它

它藉藉

郭璞曰言交橫也師古曰它音徒河反

填阡滿谷掩平彌澤

師古曰平

平原也彌亦滿也

於是乎游戲懈怠置酒乎顓天之臺

張揖曰臺高上

干皓天也師古曰顓音胡考反張樂乎膠葛之寓

郭璞曰言曠遠深貌也

撞十石

之鐘

張揖曰十石十二萬斤也

立萬石之虞

師古曰虞獸名也立一百二十萬斤之虞以縣

鐘也建翠華之旗樹靈鼉之鼓

師古曰翠華之旗以翠羽為旗上葆也靈鼉之鼓以

鼉皮為鼓鼉音徒河反又音徒丹反

奏陶唐氏之舞

郭璞曰陶唐堯有天下號也如淳曰舞咸

池師古曰二家之說皆非也陶唐當為陰康傳寫字誤耳古今人表有葛天氏陰康氏呂氏春秋曰昔陰康氏

之始陰多滯伏湛積陽道壅塞不行其序民氣鬱閼筋骨縮栗不達故作為舞以宣導之高誘亦誤解云陶唐

堯有天下之號也案呂氏說陰康之後方一一歷言黃帝顓頊帝嚳乃及堯舜作樂之本皆有次第豈再陳堯而錯亂其序乎蓋誘不視古

**聽葛天氏之歌**

張揖曰葛天氏三皇

時君號也其樂三人持牛尾投足以歌八曲一曰戴民二曰玄鳥三曰育草木四曰奮五穀五曰敬天常六曰曰微帝功七曰依地德八曰總禽獸之極師古曰張說八曲是也其事亦見呂氏春秋張云三皇時君失之矣

**十人倡萬人和**

師古曰倡讀曰唱

**山陵為之震動川谷為之蕩**

**波**

郭璞曰波浪起也

**巴俞宋蔡淮南干遮**

師古曰巴俞之人剛勇好舞初高祖用之

克平三秦美其功力後使樂府習之因名巴俞舞也宋蔡二國名淮南地名干遮曲名也

**文成顓歌**

文穎曰文成遼西縣名也其縣人善歌顓蓋州顓縣其民能作西南夷歌也師古曰顓即滇字也其音則同耳

族居遞奏金鼓迭起

師古曰族聚也聚居而遞奏也金鐘也鐘之與鼓亦互起也迭音徒

結鏗鏜闐鞀洞心駭耳

師古曰鏗鏜金聲也闐鞀鼓音也洞徹也駭驚也鏗音口耕反

鏜音初衡反闐音託郎反鞀音榻

荆吳鄭衛之聲

郭璞曰皆淫哇之聲韶濩武象

之樂

文穎曰韶舜樂也濩湯樂也武王樂也張揖曰象周公樂也南人服象為庖於夷成王命周公以

兵追之至於海南乃為三象樂也

陰淫案衍之音

郭璞曰流湏曲也師古曰衍音弋戰反

鄢郢繽紛激楚結風

李奇曰鄢今宜城縣也郢楚都也繽紛舞貌也郭璞曰激楚歌曲也

師古曰結風亦曲名也繽紛音匹人反

俳優侏儒狄鞮之倡

張揖曰狄鞮西方譯名郭璞曰

西戎樂名也師古曰俳優侏儒倡樂可狎玩者也狄鞮郭說是也鞮音丁奚反

所以娛耳目樂

心意者麗靡爛漫於前

郭璞曰言恣所觀也

靡曼美色於後

張揖曰靡

細也曼澤也

若夫青琴處妃之徒

伏儼曰青琴古神女也文穎曰處妃洛水之神女也

師古曰處讀與伏字同

絕殊離俗

郭璞曰世無雙也

妖冶閑都靚莊刻飾

便嬛綽約

郭璞曰靚莊粉白黛黑也刻刻畫鬢鬢也便嬛輕麗也綽約婉約也嬛音翺靚音淨師古

曰妖冶美好也閑都雅麗也

柔橈嫋嫋無媚纖弱

師古曰橈動曲也嫋嫋柔曲貌

也纖細也細弱總謂骨體也橈音女教反嫋音於國反嫋音武嫋即纖字耳

曳獨繭之綸褻

眇閭易以恤削

張揖曰綸褻綸也褻褻也郭璞曰獨繭一繭絲也閭易衣長貌也恤削言如刻

畫作之也師古曰綸音弋示反便姍嫋屑與世殊服

師古曰言其行步安

詳容服絕異也便音步千反  
冊音先嬰音步結反

芬芳漚鬱酷烈淑郁

郭璞曰香氣盛

也師古曰漚音一侯反

皓齒粲爛宜笑的皦

郭璞曰鮮明貌也師古曰皦音皦

長

眉連娟微睇繇貌

郭璞曰連娟言曲細繇貌視遠貌貌音邈師古曰微睇小視也娟音一全

反睇音大計反色授魂予心愉於側

張揖曰彼色來授魂往與接也師古曰愉樂也音踰

於是酒中樂酣

師古曰酒中飲酒中半也樂酣奏樂洽也中音竹仲反

天子芒然

而思

師古曰芒然猶罔然也芒音莫郎反

似若有亡

師古曰如有失也

曰嗟乎此

大奢侈朕以覽聽餘閒無事棄日

師古曰言聽政餘暇不能棄日也閒讀曰

閑順天道以殺伐

郭璞曰因秋氣也

時休息以於此

郭璞曰謂苑囿中也

○宋祁曰浙本無以字

恐後世靡麗遂往而不返非所以為繼嗣

創業垂統也

郭璞曰言不可以示將來也師古曰為音于偽反

於是乎乃解酒

罷獵而命有司曰地可墾辟悉為農郊以贍氓隸

師古曰辟

讀曰闕闕開也邑外謂之郊郊野之田故曰農郊也衛風碩人之詩曰說於農郊也

墮牆填塹

師古

曰墮墜也音徒四反使山澤之民得至焉

師古曰恣其芻牧樵采者也

實陂池

而勿禁虛宮館而勿仞

師古曰實謂人滿其中言恣其有所取也仞亦滿也勿仞言廢

罷之也

發倉廩以救貧民補不足恤鰥寡存孤獨出德號

省刑罰

師古曰德號德音之號令也易大卦曰孚號有厲是也

改制度易服色革



正朔與天下為始於是歷吉日以齋戒

張揖曰歷猶算也

襲朝

服乘法駕建華旗鳴玉鸞

郭璞曰鸞鈴也在軌曰鸞在軾曰和

游于六藝

之圃馳騫乎仁義之塗

郭璞曰六藝禮樂射御書數也塗道也師古曰郭說非也此六

藝謂六經者也覽觀春秋之林

如淳曰春秋義理繁茂故比之於林數也

射狸首兼

騶虞

郭璞曰狸首逸詩篇名諸侯以為射節騶虞召南之卒章天子以為射節也

弋玄鶴舞

千戚

郭璞曰千戚戚斧也

戴雲罕揜羣雅

張揖曰罕罕也前有九流雲罕之車詩小雅之

材七十四人大雅之材三十一人故曰羣雅也

悲伐檀

師古曰伐檀魏國之詩刺在位貪鄙也

樂

樂胥

鄭氏曰詩云于胥樂兮師古曰此說非也謂取小雅桑扈之篇云君子樂胥萬邦之屏耳胥有材智

之人也王者樂得有材智之人使在位也胥音先呂反

脩容乎禮園翺翔乎書圃

師古曰此以上皆取經典

述易道

郭璞曰脩絜靜精微之術

放怪獸

張揖曰苑中奇怪之獸不復獵也

登明堂坐清廟恣羣臣奏得失四海

之內靡不受獲

師古曰言天下之人皆受惠豈直於田獵得獸而已

於斯之時

天下大說鄉風而聽隨流而化彝然興道而遷義

師古曰彝

然猶斂然也遷徙也徙就於義也

刑錯而不用德隆於三皇功羨於五

帝

師古曰錯置也羨饒也五帝謂黃帝顓頊帝嚳堯舜也一曰少昊顓頊高辛堯舜也錯音干故反羨音弋

戰反 若此故獵乃可喜也若夫終日馳騁勞神苦形罷車

馬之用抗士卒之精

師古曰罷讀曰疲抗挫也音伍官反

費府庫之財而

無德厚之恩務在獨樂不顧衆庶忘國家之政貪雉兔

之獲則仁者不繇也

師古曰繇讀與由同由用也

從此觀之齊楚之

事豈不哀哉地方不過千里而囿居九百是草木不得

墾辟而民無所食也

師古曰辟讀曰闢

夫以諸侯之細而樂萬

乘之所侈僕恐百姓被其尤也

師古曰尤過也被音皮義反

於是二

子愀然改容超若自失

師古曰愀變色貌音材小反又音秋誘反○宋祁曰景本無入

音秋誘反五字

逡巡避席曰鄙人固陋不知忌諱乃今日見教

謹受命矣賦奏天子以為郎亡是公言上林廣大山谷  
水泉萬物及子虛言雲夢所有甚衆侈靡多過其實且  
非義理所止故刪取其要歸正道而論之

師古曰言不  
尚其侈靡之

論但取終篇歸於正道耳非謂削除其辭也而說者便  
謂此賦已經史家刊剋失其意矣○劉奉世曰觀傳所  
云則是嘗刪其辭矣若是顏  
說則刪字為長辭恐非傳意

前漢書卷五十七上

前漢書卷五十七上考證

司馬相如傳上素與臨邛令王吉相善云云○凌穉隆  
曰劉知幾謂此傳相如自作子長錄之班氏曾無增  
損如果相如自作何以自述鄙事而不諱耶觀賦後  
有非義理所尚故刪取其要數語此子長斷語自作  
之說未可據也

衡蘭芷若注師古曰今流俗書本芷若下有射干字妄  
增之也○臣召南按史記有射干二字文選亦有之

然則俗本妄增有自來矣据下文騰遠射干是獸名  
又橐本射干是草名此文是香草名如史記文選則  
此賦凡三用射干字

諸柘已且○史記作諸蔗獐且文選作諸柘已苴

其上則有宛雛孔鷺○按史記有赤猿獾獠四字在鴛  
雛孔鷺之上又蠃蛇驅豺之下史記有兕象野犀窮  
奇獫狁八字此孟堅所刪也

右夏服之勁箭注伏儼曰夏后氏之良弓名煩弱○  
臣

名南

按煩弱應作繁弱左傳封父之繁弱是也

鑿積褰縞○按此句下文選有紆徐委曲一句又眇眇  
忽忽若神之髣髴史記作縹乎忽忽若神仙之彷彿  
又怠而後游于清池史記作怠而後發游于清池又  
奔揚會文選作奔物會

南有琅邪注張揖曰臺名也在渤海間○

臣名南

按琅

邪在東海濱不在渤海張揖注訛地理志云琅邪郡  
琅邪越王嘗治此起臺館自齊國言之在南若如揖

說反在齊北境矣

紫淵徑其北注文穎曰西河穀羅縣有紫澤在縣西北  
○按地理志穀羅武澤在西北据穎此注則彼武字  
訛也

東注大湖注郭璞曰在吳縣云云○  
臣召南按此大湖

自指關中巨澤言之非吳地震澤也顏引郭說非是  
凡巨澤渚水俱可稱大湖不必震澤

前漢書卷五十七上考證



欽定四庫全書薈要卷三千七百八十一

史部

前漢書卷五十七下

漢 蘭 臺 令 史班 固撰

唐正議大夫行秘書少監琅邪縣開國子顏師古注

司馬相如傳第二十七下

相如為郎數歲會唐蒙使略通夜郎

師古曰行取曰略夜郎

中皆西南夷也  
熒音蒲北反

發巴蜀吏卒千人郡又多為發轉漕萬

餘人用軍興法誅其渠率

師古曰渠大也

巴蜀民大驚恐上聞

之乃遣相如責唐蒙等因諭告巴蜀民以非上意檄曰  
告巴蜀太守蠻夷自擅不討之日久矣時侵犯邊境勞  
士大夫陛下即位存撫天下集安中國然後興師出兵  
北征匈奴單于怖駭交臂受事屈膝請和康居西域重  
譯納貢稽首來享

師古曰來入朝覲豫享祀也  
一日享獻也獻其國珍也

移師東

指閩越相誅右弔番禺太子入朝

文穎曰弔至也番禺  
南海郡治也東伐越

後至番禺故言右也師古曰南越為東越所伐漢發兵  
救之南越蒙天子德惠故遣太子入朝所以云弔耳非

訓至也

南夷之君西轍之長常效貢職不敢惰怠延頸舉

踵喁喁然

師古曰喁喁衆口向上也音魚龍反

皆鄉風慕義欲為臣妾

師古

曰鄉讀曰嚮

道里遼遠山川阻深不能自致

師古曰致至也

夫不順

者已誅而為善者未賞故遣中郎將往賓之發巴蜀之

士各五百人以奉幣衛使者不然

張揖曰不然之變也

靡有兵革

之事戰鬪之患今聞其乃發軍興制

師古曰以發軍之法為興衆之制也

驚懼子弟憂患長老郡又擅為轉粟運輸皆非陛下之

意也當行者或亡逃自賊殺

師古曰賊猶害也

亦非人臣之節

也夫邊郡之士聞義舉燧燔

孟康曰義如覆米箕縣著契卑頭有寇則舉之燧積

薪有寇則燔然之也○宋祁曰奠音郁漉水簍

皆攝弓而馳荷兵而走

師古曰攝謂張

弓注矢而持之也攝音女涉反

流汗相屬惟恐居後

師古曰屬逮也音之欲反

觸白

刃冒流矢

師古曰冒犯也

議不反顧計不旋踵人懷怒心如報

私讎彼豈樂死惡生非編列之民而與巴蜀異主哉

師古

曰編列謂編戶也編音布先反

計深慮遠急國家之難而樂盡人臣之

道也故有剖符之封析圭而爵位為通侯

如淳曰析中分也白藏天

子青在諸侯也

居列東第

師古曰東第甲宅也居帝城之東故曰東第也

終則遺顯號

於後世傳土地於子孫事行甚忠敬居位甚安佚

師古曰佚

樂也讀  
與逸同

名聲施於無窮功烈著而不滅是以賢人君子

肝腦塗中原膏液潤埜中而不辭也

師古曰埜與埜同古野字也中古草

字

今奉幣使至南夷

○宋祁云越本使作役

即自賊殺或亡逃抵

誅

師古曰抵至也亡逃而至於誅也

身死無名

師古曰無善名也

諡為至愚

師古

曰諡者行之迹也終以愚死後葉傳稱故謂之諡

恥及父母為天下笑人之度量相越豈不遠哉然此非獨行者之罪也父兄之教不

先子弟之率不謹

師古曰不先者謂往日不素教之也

寡廉鮮恥而俗不

長厚也

師古曰寡鮮皆少也鮮音息淺反

其被刑戮不亦宜乎陛下患

使者所司之若彼

○宋祁曰所司疑作有司

悼不肖愚民之如此故

遣信使

師古曰誠信之人以為使也

曉諭百姓以發卒之事

師古曰諭告也

因數之以不忠死亡之罪

師古曰數責也音所具反

讓三老孝弟以

不教誨之故

師古曰讓責也責其教誨不備也

方今田時重煩百姓

師古

曰重難也不欲召聚之也

已親見近縣

師古曰近縣之人使者以自見而口諭之矣故為檄文馳

以示遠

恐遠所谿谷山澤之民不徧聞檄到亟下縣道

師古曰亟急也縣有蠻夷曰道

咸諭陛下意毋忽

師古曰忽怠忽也

相如還報

師古曰使訖還報天子也

唐蒙已略通夜郎因通西南夷道發巴蜀

廣漢卒作者數萬人治道二歲道不成士卒多物故

師古

曰物故死也解在蘇武傳

費以億萬計蜀民及漢用事者多言其不

便是時邛作之君長

文穎曰邛者今為邛都縣作者今為定作縣師古曰作音才各反

聞南夷與漢通得賞賜多多欲願為內臣妾請吏比南

夷上問相如相如曰邛作冉駝者近蜀道易通

師古曰今夔州

開州等首領姓冉者皆焉冉種也駝音尤

異時嘗通為郡縣矣

師古曰異時猶言往時也

至漢興而罷今誠復通為置縣愈於南夷

晉灼曰南夷謂犍為牂柯

也西夷謂越嵩益州也師古曰愈勝也

上以為然乃拜相如為中郎將建

節徃使副使者王然于壺充國呂越人馳四乘之傳

古師

曰傳音張應反

因巴蜀吏幣物以賂西南夷至蜀太守以下郊

迎

師古曰迎於郊界之上也○宋祁曰太守字上疑更有蜀字

縣令負弩矢先驅

古師

日導路也

蜀人以為寵於是卓王孫臨邛諸公皆因門下獻

牛酒以交驩卓王孫喟然而嘆自以得使女尚司馬長

卿晚

師古曰尚猶配也義與尚公主同今流俗書本此尚字作當蓋後人見前云文君恐不得當故改此

文以就之耳

乃厚分與其女財與男等相如使略定西南夷

邛笮冉駹斯榆之君皆請為臣妾除邊關邊關益斥

古師



曰斥開廣也○宋祁云淳化本無下邊關二字

西至沫若水

張揖曰沫水出蜀廣平徼外若水出

旄牛徼外師古曰沫音妹

南至牂柯為徼

張揖曰徼謂以木石水為界者也如淳曰斯榆之君

等自求去邊關欲與牂柯作徼塞也師古曰徼音工釣反

通靈山道橋孫水

張揖曰鑿開靈

山道置靈道縣孫水出臺登縣南至會無入若水師古曰於孫水上作橋也

以通邛作還報

天子大說

師古曰說讀曰悅

相如使時蜀長老多言通西南夷

之不為用大臣亦以為然相如欲諫業已建之不敢

師古

曰本由相如立此事故不敢更諫也

乃著書藉蜀父老為辭而已詰難之

以風天子

師古曰藉假也風讀曰諷

且因宣其使指令百姓皆知天

子意其辭曰漢興七十有八載德茂存乎六世

○宋祁曰六世

高帝惠帝呂后文帝景帝通武帝六世

威武紛云湛恩汪濊

師古曰紛云盛貌汪濊深

廣也湛讀曰沈汪音烏皇反濊音於喙反○宋祁曰汪當作涅

羣生霑濡洋溢乎方外

師古曰洋音羊於是乃命使西征隨流而攘

師古曰攘卻退也音人羊反

風

之所被罔不披靡

師古曰被音丕靡反

因朝冉從駢定祚存邛略

斯榆舉苞蒲結軌還轅東鄉將報

師古曰結屈也軌車迹也鄉讀曰嚮報報

天子也

至于蜀郡耆老大夫搢紳先生之徒二十有七人

儼然造焉

師古曰造至也造音千到反

辭畢進曰

師古曰辭謂初謁見之辭

蓋聞

天子之於夷狄也其義羈縻勿絕而已

師古曰羈馬絡頭也縻牛紉也

言牽制之故取喻也

○宋祁曰於疑作牧

今罷三郡之士通夜郎之塗

師古曰罷

讀曰三年於茲而功不竟士卒勞倦萬民不贍今又接

之以西夷百姓力屈恐不能卒業

師古曰屈盡也卒終也業事也

此亦

使者之累也

師古曰累音力瑞反

竊為左右患之且夫邛笮西熒

之與中國並也歷年茲多不可記已

師古曰已語終之辭也

仁者

不以德來强者不以力并意者殆不可乎

師古曰言古往帝王雖有

仁德不能招來之雖有強力不能并吞之以其險遠理不可也

今割齊民以附夷狄弊

所恃以事無用

師古曰所恃即中國之人也無用謂西南夷也

鄙人固陋不識

所謂使者曰烏謂此乎

師古曰烏於何也

必若所云則是蜀不

變服而已不化俗也僕尚惡聞若說

師古曰尚猶也若如也言僕猶惡聞

如此之說况乎遠識之人也惡音一故反○宋祁曰若汝爾也莊子予語若之類不容詰為如

然斯事

體大固非觀者之所覲也

師古曰覲見也音構

余之行急其詳不

可得聞已

師古曰言行程急速不暇為汝詳言之

請為大夫粗陳其略

師古

曰粗猶麤也音千戶反

蓋世必有非常之人然後有非常之事有

非常之事然後有非常之功非常者固常人之所異也

師古曰常人見之以為異也

故曰非常之元黎民懼焉

師古曰元始也非非常之事

其始難知

及臻厥成天下晏如也

師古曰臻至也晏安也

昔者洪

水沸出汜濫衍濫民人升降移徙崎嶇而不安夏后氏

戚之乃堙洪原

師古曰堙塞也水本曰原堙音因

決江疏河灑沈澹災

東歸之於海

師古曰疏通也灑分也沈深也澹安也言分散其深水以安定其災也灑音所宜反

澹音徒

而天下永寧當斯之勤豈惟民哉心煩於慮而

身親其勞躬儼駢胝無胼膚不生毛

張揖曰躬體也戚奏理也孟康曰胝

毳膚皮也言禹勤駢胝無有毳毛也

師古曰駢音步千反胝音竹尸反胼音步曷反臣泌曰檢字書無儼字又

戚字說文曰茂也按李善注文選云孟康曰湊湊理也疑漢書傳寫相承誤以湊字作戚字耳合為湊○宋祁曰戚南本浙本並作戚集韻戚與戚同收注云博雅近也此文難得句不知師古如何讀之必以躬戚辭脈無腋為一句則長短不均故休烈顯乎無窮聲稱浹乎于茲

師古曰休美也烈業也浹徹也且夫賢君之踐位也豈于茲猶言今茲也浹音子牒反

特委瑣握蹢拘文牽俗

師古曰握蹢局蹢也不拘微細之文不牽流俗之義也蹢音初

角反循誦習傳當世取說云爾哉

師古曰說讀曰悅言非直因循自誦習所傳聞

取美悅於當時而已

必將崇論宏議創業垂統為萬世規

師古曰宏深也

音宏故馳騫乎兼容并包而勤思乎參天貳地

師古曰比德於地是

貳地也地與已并天為三是參天也

且詩不云乎普天之下莫非王土率

土之濱莫非王臣

師古曰小雅北山之詩也普大也濱涯也

是以六合之內

八方之外

師古曰天地四方謂之六合四方四維謂之八方也

浸淫衍溢

師古曰浸淫猶

漸漬也衍溢言有餘也

懷生之物有不浸潤於澤者賢君恥之今

封疆之內冠帶之倫

師古曰倫類也

咸獲嘉祉靡有闕遺矣而

夷狄殊俗之國遼絕異黨之域舟車不通人迹罕至政

教未加流風猶微內之則犯義侵禮於邊境外之則邪

行橫作放殺其上

師古曰內之謂通其朝獻也外之謂棄而絕之也橫音胡孟反殺讀曰弑

君臣易位尊卑失序父兄不辜幼孤為奴虜係繫號泣

師古曰為人所獲而繫係之故號泣也繫力追反

內鄉而怨

師古曰鄉讀曰嚮嚮中國而怨慕也

曰蓋聞中國有至仁焉德洋恩普

師古曰洋多也

物靡不得其

所今獨曷為遺已

師古曰曷何也已謂怨者之身也

舉踵思慕若枯旱

之望雨盤夫為之垂涕

張揖曰很戾之夫也師古曰盤古戾字

況乎上聖

人烏能已

師古曰烏猶烏也已止也

故北出師以討強胡南馳使以

誚勁越

師古曰誚責也音材笑反

四面風德

師古曰風化也

二方之君鱗集

仰流

師古曰二方謂西夷及南夷也若魚鱗之相次而仰向承流也

願得受號者以億



計

師古曰號謂爵號也一日受天子之號令也

故乃闕沫若

張揖曰以沫若水為闕也

徼

牂柯鏤靈山梁孫原

師古曰鏤謂疏通之以開道也梁橋也孫原孫水之原也

創道

德之塗垂仁義之統將博恩廣施遠撫長駕

張揖曰駕行也使思

遠安長行之也使疏逖不閉

師古曰逖遠也言疏遠者不被閉絕也

習爽闇昧得

耀乎光明

師古曰習爽未明也習音忽

以偃甲兵於此而息討伐於

彼遐邇一體中外禔福不亦康乎

師古曰禔安也康樂也禔音土支反○宋

祁曰禔景本止支反浙本上支反

夫拯民於沈溺

師古曰拯升也言人在沈溺之中升而舉

也奉至尊之休德

師古曰休美也

反衰世之陵夷繼周氏之絕

業

師古曰陵夷謂弛替也

天子之急務也百姓雖勞又惡可以已

哉

師古曰惡讀與烏同已止也

且夫王者固未有不始於憂勤而終

於佚樂者也

師古曰言始能憂勤則終獲逸樂也佚字與逸同

然則受命之符

合在於此

張揖曰合在於憂勤逸樂之中也

方將增太山之封加梁父

之事鳴和鸞揚樂頌上咸五下登三

李奇曰五帝之德比漢為減三王之

德漢出其上師古曰此說非也咸皆也言漢德與五帝皆盛而登於三王之上也相如不當言漢減於五帝也

觀者未覩指聽者未聞音猶焦朋已翔乎寥廓

師古曰寥廓天

上寬廣之處寥音聊而羅者猶視乎藪澤

師古曰澤無水曰藪

悲夫於是諸

大夫茫然

師古曰茫音莫郎反

喪其所懷來失厥所以進

師古曰初有所

懷而來欲進而陳之今并喪失其來意也

喟然並稱曰允哉漢德

師古曰允信也小雅

車攻之詩曰允矣君子

此鄙人之所願聞也百姓雖勞請以身先

之敝罔靡徙遷延而辭避

師古曰敝罔失志貌靡徙自抑退也

其後人有

上書言相如使時受金失官居歲餘復召為郎相如口

吃而善著書常有消渴病與卓氏婚饒於財故其事宦

未嘗肯與公卿國家之事

師古曰與讀曰豫劉奉世曰事當作仕

常稱疾

閒居不慕官爵

師古曰閒讀曰閑也

嘗從上至長楊獵

師古曰長楊宮也在

廬是時天子方好自擊熊豕馳逐羃獸相如因上疏諫

其辭曰臣聞物有同類而殊能者故力稱烏獲捷言慶

忌師古曰烏獲秦武王力士也慶忌吳王僚子也射能捷矢也勇期賁育師古曰孟賁古之勇

士也水行不避蛟龍陸行不避豺狼發怒吐氣聲響動天夏育亦猛士也臣之愚竊以為人

誠有之獸亦宜然今陛下好陵阻險射猛獸卒然遇逸

材之獸駭不存之地師古曰卒讀曰猝音千忽反謂暴疾也不存不可得安存也○劉歆

曰不存猶言不虞下文云存變之意犯屬車之清塵應劭曰古者諸侯貳車九乘秦滅九國兼

其車服漢依秦制故大駕屬車八十一乘師古曰屬者言相連續不絕也塵謂行而起塵也言清者尊貴之意

也而說者乃以為清道灑塵  
謂之清塵非也屬音之欲反  
與不及還轅人不暇施巧

雖有烏獲逢蒙之技不能用

師古曰逢蒙古之善射者也孟子曰逢蒙學射於羿

枯木朽株盡為難矣是胡越起於轂下而羌夷接軫也

豈不殆哉

師古曰軫車後橫木殆危也

雖萬全而無患然本非天子

之所宜近也

○宋祁曰或無近字

且夫清道而後行中路而馳

祁曰浙本馳字上有后字

猶時有銜檠之變

張揖曰銜馬勒銜也檠駢馬口長銜也師古曰

檠謂車之鈎心也銜檠之變言馬銜或斷鈎心或出則致傾敗以傷人也檠音鉅月反

況乎涉豐

草騁丘虛

師古曰豐草茂草也虛讀曰墟

前有利獸之樂而內無存變

之意其為害也不難矣

○宋祁曰越本作不亦難矣劉敞曰亦字不當刊

夫輕

萬乘之重不以為安樂出萬有一危之塗以為娛臣竊為陛下不取蓋明者遠見於未萌而知者避危於無形

師古曰萌謂事始若草木初生者也

既固多藏於隱微而發於人之所忽

者也故鄙諺曰家累千金坐不垂堂

張揖曰畏欄瓦墮中人也師古曰垂

堂者近堂邊外自恐墜墮耳非畏欄瓦也言富人之子則自愛深也

此言雖小可以諭大

臣願陛下留意幸察上善之還過宜春宮相如奏賦以

哀二世行失

師古曰宜春本秦之離宮胡亥於此為閹樂所殺故感其處而哀之也

其辭

曰登陂陲之長阪兮全入曾宮之嵯峨

蘇林曰全音馬全叱之全張捐

曰全並也師古曰曾重也嵯峨高貌也陂音普何反陲音徒何反全音普頓反又音步頓反

臨曲江

之隍州兮望南山之參差

張揖曰隍長也苑中有曲江之象中有長洲也師古曰曲

岸頭曰隍隍即碣字耳言臨曲岸之洲今猶謂其處曰曲江隍音鉅依反

巖巖深山之磴磴

兮通谷磴乎磴

晉灼曰磴音籠古磴字也師古曰磴磴深通貌磴音呼活反磴大開貌磴

音呼合反磴音呼加反

汨減鞞以永逝兮注平臯之廣衍

師古曰汨減疾

貌也鞞然輕舉意也臯水邊地也汨音于筆反減音域鞞音先合反

觀衆樹之蓊鬱兮覽

竹林之榛榛

師古曰蓊鬱蔭蔽貌榛榛盛貌蓊音烏孔反鬱音愛榛音側巾反

東馳土

山兮止揭石瀨

師古曰揭褰衣而渡也石面淺水曰瀨音賴揭音丘例反

弭節容與

兮歷弔二世持身不謹兮亡國失勢信讒不寤兮宗廟

滅絕

師古曰信讒謂殺李斯也

烏乎操行之不得

師古曰操音千到反

墓蕪穢

而不脩兮魂亡歸而不食

○宋祁曰姚本作墳墓蕪穢而不脩魂魄亡歸而不食

相如拜為孝文園令上既美子虛之事相如見上好僊

因曰上林之事未足美也尚有靡者

師古曰靡麗也

臣嘗為大

人賦未就

師古曰就成也

請具而奏之相如以為列僊之儒居

山澤間

師古曰儒柔也術士之稱也凡有道術皆為儒今流俗書本作傳字非也後人所改耳

形



容甚臞

師古曰臞瘠也音鉅句反又音衢

此非帝王之僂意也乃遂奏

大人賦其辭曰世有大人今在乎中州

師古曰大人以諭天子也中州

中國也

宅彌萬里今曾不足以少留

師古曰彌滿也

悲世俗之迫

隘兮竭輕舉而遠游

師古曰竭去意也音丘例反

乘絳幡之素蜎兮

載雲氣而上浮

張揖曰乘用也赤氣為幡綴以白氣也師古曰上音時掌反

建格澤

之脩竿兮

張揖曰格澤之氣如炎火狀黃白色起地上至天下上銳脩長也建此氣為長竿也師

古曰格音胡各反

總光耀之采旄

張揖曰旄葆也總係也係光耀之氣於長竿以

為葆也師古曰總音摠葆者即今之所謂縣頭也

垂旬始以為慘兮

李奇曰旬始氣如雄

雞見北斗旁張揖曰慘旒也縣甸始於  
葆下以為十二旒也師古曰慘所銜反  
曳彗星而為髻

張揖曰髻燕尾也柎彗  
星綴著旒以為燕尾也  
掉指橋以偃蹇兮  
張揖曰指橋隨風指靡也

偃蹇委曲貌師古曰掉音徒釣反蹇音居  
偃反○宋祁曰注文指靡也越本無指字  
又猗昵以招

搖  
晉灼曰猗音依倚反昵音年纚反張揖曰猗昵下垂貌招搖跳蹈也師古曰招音韶蹈音蕭  
搯攬

搶以為旌兮靡屈虹而為綢  
張揖曰彗星為攬搶注髦首曰旌今以彗星代之也

靡順也綢韜也以斷虹為旌杠之韜也師古曰韜謂裏  
冒旌旗之竿也攬音初咸反搶音初衡反屈音其勿反

綢音直  
紅香眇以玄渚兮焱風涌而雲浮  
蘇林曰玄音炫渚音麵晉

灼曰紅赤色貌香眇深遠也玄渚混合也言自絳幡以  
下衆氣色盛光采相耀幽藹炫亂也師古曰如焱風之

涌如雲之浮言輕舉也焱音必遙反

駕應龍象輿之螭略委麗兮驂赤螭

青蛇之蚺蟻宛延

文穎曰有翼曰應龍最其神妙者也師古曰螭略委麗蚺蟻宛延皆其行

步進止之貌也蟻音於縛反麗音力爾反蚺音延

低卬夭矯

裾以驕驚兮詘折隆窮躍以連卷

張揖曰裾直項也驕驚縱恣也詘折曲委

也隆窮舉暑也躍跳也連卷句蹄也師古曰裾音倨

沛

艾赳螭仡以佺儼兮

張揖曰沛艾駮駮也赳螭申頸低

曰沛音普蓋反赳音古有反螭音火幼反仡音魚

放散

畔岸驤以孱顏

師古曰畔岸自縱之貌也驤舉也孱音土顏反

跼蹐

蟾容以翫麗兮

張揖曰跬躡互前卻也輻蟾搖目吐古也容龍體貌也翫麗左右相隨也師古

曰跬音丑日反躡音丑略反輻音逼

蟾音昌翫古委字也麗音力爾反

蜩蟬偃蹇怵隼以

梁倚

張揖曰蜩蟬掉頭也怵隼奔走也梁倚相著也師古曰蜩音徒鈞反蟬音盧鈞反怵音黠隼音丑若

反倚音

於綺反糾蓼叫皋踏以腰路兮

張揖曰糾蓼相引也叫皋相呼也踏下也腰著

也皆下著道也師古曰叫皋高舉之貌蓼音力糾反皋音五到反踏音嗇腰音屈

蓼蒙踴躍騰

而狂趨

張揖曰蓼蒙飛揚也踴躍跳也騰馳也趨奔走也師古曰蒙音莫孔反趨音醺

莅颯卉

歛歛至電過兮煥然霧除霍然雲消

張揖曰莅颯飛相及也卉歛走相追

也師古曰莅音利颯音立卉音諱歛音翕

邪絕少陽而登大陰兮與真人乎

相求

張揖曰少陽東極太陰北極邪度東極而升北極也真人謂若士也游於太陰之中師古曰真人至

真之人也非指謂若士也

互折窈窕以右轉兮橫厲飛泉以正東

張揖

曰飛泉飛谷也在崑崙山西南師古曰厲渡也

悉徵靈圉而選之兮部署眾神

於搖光

張揖曰搖光北斗柄頭第一星

使五帝先導兮反大壺而從陵

陽

應劭曰五帝五時太皞之屬也如淳曰天極大星一明者太一常居也張揖曰陵陽仙人陵陽子明也師

古曰令太一反其所居而使陵陽侍從於己○宋祁曰注文五時當從浙本作五時

左玄冥而右

黔雷兮

張揖曰玄冥北方黑帝佐也黔雷黔嬴也天上造化神名也楚辭曰召黔嬴而見之或曰水神

也前長離而後喬皇

服虔曰皆神名也師古曰長離靈鳥也解在禮樂志喬音以出反

廝征伯僑而役羨門兮詔岐伯使尚方

應劭曰廝後也張揖曰伯僑仙

人王子僑也羨門碣石山上仙人羨門高也尚主也岐伯者黃帝太醫屬使主方藥也師古曰征伯僑者仙人姓征名伯僑非王子僑也郊祀志征字作正其音同耳或說云征謂役使之非也

祝融警而蹕

御兮清氣氛而后行

張揖曰祝融南方炎帝之佐也獸身人面乘兩龍師古曰蹕止行人

也御禦也氣惡氣也

屯余車而萬乘兮綽雲蓋而樹華旗

師古曰綽合也

合五采雲以為蓋也綽音子內反

使句芒其將行兮吾欲往乎南娛

張揖

曰句芒東方青帝之佐也鳥身人面乘兩龍師古曰將行將領從行也娛音許其反

歷唐堯於崇

山兮過虞舜於九疑

張揖曰崇山狄山也海外經曰狄山帝堯葬於其陽九疑山在零陵

營道縣舜所葬也師古曰疑似也  
山有九峯其形相似故曰九疑

紛湛湛其差錯兮雜

還膠輻以方馳

師古曰湛湛積厚之貌差錯交互也雜  
還重索也膠輻猶交加也湛音徒感反

還音大合騷擾衝從其紛拏兮滂淠泱泱麗以林離

張揖

曰衝蕤相入貌滂淠衆盛貌泱泱不前也麗靡也林離  
摻攪也師古曰衝音尺勇反蕤音相勇反拏音女居反  
滂音普郎反淠音普備反泱音烏朗反攢羅列聚叢以  
輒音於黠反摻音所林反攢音所宜反

龍茸兮衍曼流爛痃以陸離

張揖曰痃衆貌一曰罷極  
也陸離參差也師古曰龍

茸聚貌流爛布散也痃自故縱也龍音來孔反茸音而  
孔反衍音弋扇反痃音式爾反張云罷極義則非矣

徑入雷室之砢磷鬱律兮洞出鬼谷之堀畧歲魁

張揖  
曰雷

室雷淵也洞通也鬼谷在崑崙北直北辰下衆鬼之所聚也塢壘歲魁不平也師古曰砢磷鬱律深峻貌砢音

普萌反磷音力耕反塢音口骨

反壘音洛賄反歲音一迴反

徧覽八紘而觀四海兮

竭度九江越五河

張揖曰九江在廬江尋陽縣南皆東合為大江者服虔曰河有九今越其

五也晉灼曰五河五湖取河之聲合其音耳師古曰服晉說五河皆非也五河五色之河也仙經說有紫碧絳

青黃之河非謂九河之內亦非五湖也

經營炎火而浮弱水分杭絕浮渚

涉流沙

應劭曰楚辭曰越炎火之萬里弱水出張掖剛丹西至酒泉合黎餘波入于流沙張揖曰杭船

也絕度也浮渚流沙中渚也流沙沙與水流行也師古曰弱水謂西域絕遠之水乘毛車以度者耳非張掖弱

水也又流沙但有沙流本無水也言奄息慈極汜濫水絕度浮渚乃涉流沙也杭音下郎反



娛兮

張揖曰奄然休息也極蔥領山也在西域中

使靈媧鼓琴而舞馮夷

度服

曰靈媧女媧也伏犧作琴使女媧鼓之馮夷河伯字也淮南子曰馮夷得道以潛大川師古曰媧音瓜又工蛙

反

時若曖曖將混濁兮召屏翳誅風伯刑雨師

應劭曰屏翳天

神使也張揖曰風伯字飛廉師古曰屏音步丁反

西望崑崙之軋沕荒忽兮

張揖

曰崑崙去中國五萬里天帝之下都也其山廣袤百里高八萬仞增城九重面有九井以王為檻旁有五門開

明獸守之軋沕荒忽不分明之貌師古曰沕音勿荒音呼廣反

直徑馳乎三危

張揖曰三危山

在鳥鼠山之西與崦嵫山相近黑水出其南陂書曰導黑水至于三危也

排闥闔而入帝宮

兮載玉女而與之歸

張揖曰玉女青要乘戈等也

登閬風而遙集兮

亢鳥騰而壹止

張揖曰閼風山在崑崙閼闔之中遙遠也應劭曰亢然高飛如鳥之騰也師古

曰閼音浪亢音抗

低徊陰山翔以紆曲兮吾乃今日覩西王母

焉然白首戴勝而穴處兮亦幸有三足鳥為之使

張揖曰陰

山在崑崙西二千七百里西王母其狀如人豹尾虎首蓬髮焉然白首石城金室穴居其中三足鳥三足青鳥也主為西王母取食在崑崙墟之北如淳曰山海經曰西王母梯几而戴勝師古曰低徊猶徘徊也勝婦人首飾也漢代謂之華勝焉音工老反字或作鬻音學必長生若此而不死兮雖濟

萬世不足以喜

師古曰昔之談者咸以西王母為仙靈之最故相如言大人之仙娛遊之盛顧

視王母鄙而陋之不足羨慕也

回車竭來兮絕道不周

張揖曰不周山在崑崙東南二

千三百里也

會食幽都呼吸沆瀣兮餐朝霞

張揖曰幽都在北方如淳曰淮

南云八極西北曰幽都之門應劭曰列仙傳陵陽子言春食朝霞朝霞者日始欲出亦黃氣也夏食沆瀣沆瀣

北方夜半氣也并天地玄黃之氣為六氣師古曰沆音胡朗反瀝音登

咀噍芝英兮噉瓊

華

張揖曰芝草弱也榮而不實謂之英噉食也瓊樹生崑崙崑崙西流沙濱大三百圍高萬仞華藥也食之長生

師古曰芝英芝菌之英也咀音才汝反噉音才笑反又音才弱反噉音機又音祈

傑襪尋而高

縱兮紛鴻溶而上厲

張揖曰傑印也鴻溶踈踊也師古曰傑音角甚反襪音子禁反鴻音

胡孔反溶音弋孔反貫列缺之倒景兮

服虔曰列缺天閔也人在天上下向視日月故景倒

在下也張揖曰貫穿也陵陽子明經曰列缺氣去地二千四百里倒景氣去地四千里其景皆倒在下也

涉

豐隆之滂淠

應劭曰豐隆雲師也楚辭曰吾令豐隆乘雲兮淮南子曰季春三月豐隆乃出以將

雨師古曰豐隆將雨故言滂也滂淠雨水多也滂音普郎反淠音匹備反

騁游道而脩降兮

騫遺霧而遠逝

張揖曰馳疾而遺霧在後也師古曰游車也道道車也脩長也降下也言周

覽天上然後騁車也循長路而下馳棄遺霧而遠逝也道讀曰導

迫區中之隘陝兮舒

節出乎北垠

師古曰舒緩也垠崖也音銀

遺屯騎於玄闕兮

張揖曰玄闕北

極之山也

軼先驅於寒門

應劭曰寒門北極之門也師古曰軼過也音逸

下崢嶸而

無地兮

師古曰崢嶸深遠貌崢音仕耕反嶸音宏

上嶠廓而無天

師古曰嶠廓廣遠也

遼嶠音

視眩泯而亡見兮聽敞恍而亡聞

師古曰眩泯目不安也敞恍耳

不諦也眩音州  
縣之縣混音眇

乘虛亡而上遐分超無友而獨存

師古曰上

音時掌反○宋祁曰  
友字浙本作有字

相如既奏大人賦天子大說

師古曰說

讀曰  
悅

飄飄有陵雲氣游天地之間意相如既病免家居

茂陵天子曰司馬相如病甚可往從悉取其書若後之

矣

師古曰若汝也言汝今去已在他後也

使所忠往

師古曰使者姓名也解在食貨志○宋祁

曰浙本正文無使字

而相如已死家無遺書問其妻

○宋祁曰別本無其字

對曰長卿未嘗有書也時時著書人又取去長卿未死

時為一卷書曰有使來求書奏之其遺札書言封禪事

師古曰書於札而留之故云遺札

所忠奏焉天子異之其辭曰伊上古

之初肇自顓穹生民

師古曰肇始也顓穹皆謂天也顓言氣顓汗也穹言形穹隆也謂自

初始有天地以來也顓音胡老反

歷選列辟以迄乎秦

師古曰選數也辟君也迄至也

辟音

率邇者踵武聽述者風聲

文穎曰率循也邇近也踵蹈也武迹也述遠也

言循履近者之遺迹聽遠者之風聲風謂著於雅頌也紛

輪威蕤堙滅而不稱者不可勝數也

張揖曰紛輪威蕤亂貌

繼昭

夏崇號諡略可道者七十有二君

文穎曰昭明也夏大也德明大相繼封禪

於泰山者七十有二人也

罔若淑而不昌疇逸失而能存

應劭曰罔無也若順

也淑善也疇誰也師古曰言行順善  
者無不昌大為逆失者誰能久存也  
軒轅之前遐哉邈

乎其詳不可得聞已

師古曰遐邈皆遠也已語終之辭

五三六經載籍

之傳維見可觀也

師古曰五五帝也三三皇也○宋祁曰皇當作王

書曰元首

明哉股肱良哉

師古曰此虞書益稷之語也元首君也股肱大臣也

因斯以談君

莫盛於堯臣莫賢於后稷后稷創業於唐公劉發迹於

西戎文王改制爰周邳隆大行越成

文穎曰邳至也行道也文王始開王

業改正朔服色太平之道於是成也應

而后陵遲衰微

千載亡聲豈不善始善終哉

鄭氏曰無聲無有惡聲也師古曰雖後嗣衰微政教

顏替猶經千載而無惡聲然無異端慎所由於前謹遺教於後耳師古

曰言既創業定制故軌迹夷易易遵也師古曰夷易皆平也易音弋豉

反入垂裕後昆也湛恩庀洪易豐也師古曰湛讀曰沈沈深也庀洪皆大也庀音庀憲度著明

易則也垂統理順易繼也張揖曰垂縣也統緒也理道也文王重易六爻窮理盡性

縣于後世其道和順易續而明孔子得錯其象而象其辭也師古曰統業直言所垂之業其理至順故令後嗣

易繼之耳非謂演易也是以業隆於緼保而崇冠乎二后孟康曰緼保謂

成王也二后謂文武也周公負成王以致揆厥所元終

都攸卒師古曰元始也都於也攸所也卒亦終也言度其所始究其所終也未有殊尤絕



迹可考於今者也

師古曰尤異也考校也言不得與漢校其德也

然猶躡梁甫

登太山建顯號施尊名大漢之德逢涌原泉沕滴曼羨

師古曰逢讀曰羹言如羹火之升原泉之流也沕滴曼羨盛大之意也沕音勿滴音聿羨音弋扇反

旁魄

四塞雲布霧散

師古曰旁魄廣被也魄音步各反

上暢九垓下泝八埏

服虔曰暢達也垓重也天有九重如淳曰淮南云若士謂盧敖吾與汗漫期乎九垓之上孟康曰泝流也埏地之八際也言德上達於九重之天下流於地之八際

師古曰埏本音延合韻音弋戰反淮南子作八埏也懷

生之類沾濡浸潤協氣橫流武節焱逝

師古曰言和氣橫被四表威武

如焱之盛邇陘游原迴闊泳沫

孟康曰邇近也原本也迴遠也潤廣也泳浮也恩德比之

於水近者游其原

首惡鬱沒闇昧昭晰

師古曰始為惡者皆即湮滅素

暗昧者皆得光明也晰音之舌反

昆蟲闇憚回首面內

大穎曰闇憚皆樂也師古曰闇

讀曰凱言四方幽遐皆懷和樂回首革面而內嚮也

然后囿騶虞之珍羣徼麋鹿

之怪獸

師古曰言騶虞自擾而充苑囿怪獸自來若入徵塞言符瑞之盛也徵音工釣反○劉奉世曰

此言騶虞可致於囿中怪獸可驅於徼外耳

導一莖六穗於庖

鄭氏曰導擇也一莖六穗

謂嘉禾之米於庖厨以供祭祀也

犧雙觥共抵之獸

服虔曰犧牲也觥角也抵本也武帝

獲白麟兩角共一本因以為獲周餘放龜于岐

文穎曰周放畜

餘龜於池沼之中至漢得之於岐山之旁龜能吐故納新千歲不死也

招翠黃乘龍於沼

張揖曰乘龍四龍也孟康曰翠黃乘黃也龍翼馬身黃  
帝乘之而仙言見乘黃而招呼之禮樂志曰嘗黃其何  
不來下余吾涯注水中出神馬故曰乘龍於沼也師古  
曰此說非也言招致翠黃及乘龍於池沼耳乘音食證  
反春秋傳曰帝賜之乘龍○劉奉世曰此則下  
文黃龍一瑞也翠黃言其色翠而黃非別物

鬼神接

靈園賓於閒館

文穎曰是時上求神仙之人得上郡之  
巫長陵女子能與鬼神交接治病輒愈

置於上林苑中號曰神君有似於古之靈園禮待之於  
閒館舍中也師古曰閒讀曰閑○劉奉世曰鬼神接下

疑少三字

奇物譎詭倣儻窮變

師古曰倣音吐歷反

欽哉符瑞臻茲猶

以為薄不敢道封禪蓋周躍魚隕杭休之以燎

應劭曰杭舟也

休美也師古曰燎祭天也謂武王  
伐紂白魚入于王舟俯取以燎

微夫斯之為符也以

登介丘不亦慙乎

服虔曰介大也丘山也言周以白魚為瑞登太山封禪不亦慙乎

進

攘之道何其爽與

張揖曰進周也攘漢也爽差也言周未可封禪而封為進漢可封禪而不

為為攘也師古

曰攘古讓字

於是大司馬進曰

文穎曰大司馬上公故先進議也

陞

下仁育羣生義征不諛

文穎曰諛順也

諸夏樂貢百蠻執贄

師古

曰夏大也諸夏謂中國之人比蠻夷為大也

德牟往初功無與二

師古曰牟等也

休

烈液洽符瑞衆變期應紹至不特創見

師古曰言符瑞衆多應期相續

而至不獨初創而見也○宋祁曰液疑作決期應浙本作斯應予謂疑當作應期

意者太山梁

父設壇場望幸蓋號以況榮

孟康曰意者言太山梁父設壇場望聖帝往封禪紀

號以表榮名也師古曰上帝垂恩儲祉將以慶成師古曰

幸臨幸也蓋發語辭也

帝天也言垂恩於下豫積祉福用慶告成之禮陛下嘆讓而弗發也張揖曰不肯發意往

也師古曰挈三神之歡缺王道之儀應劭曰挈絕也缺

地祇天神山嶽也師古曰羣臣慝焉師古曰慝愧也音女六反或謂且天

為質闇示珍符固不可辭師古曰言天道質昧以符瑞見意不可辭讓也若然

辭之是泰山靡記而梁甫罔幾也張揖曰泰山之上無所表記梁父壇場無

幾也所庶亦各並時而榮咸濟厥世而屈說者尚何稱於後

而云七十二君哉應劭曰屈絕也言古帝王若但各一時之榮畢世而絕者則說者無從顯

稱於後也師古夫脩德以錫符奉符以行事不為進越

也文穎曰越踰也不為苟進踰禮也故聖王弗替而脩禮地祇謁款天

神文穎曰謁告也款誠也師古勒功中岳以章至尊張

曰蓋先禮中岳而幸太舒盛德發號榮受厚福以浸黎

民皇皇哉斯事天下之壯觀王者之卒業不可貶也師古

曰皇皇盛貌也卒終也字願陛下全之張揖曰願以封

或作本或作丕丕大也禪全其終也

而后因雜縉紳先生之略術使獲曜日月之末光絕炎

以展采錯事文穎曰采官也使諸儒記功著業得觀日

月末光殊絕之明以展其官職設錯其事

業也李奇曰炎音火之光炎師  
古曰炎音弋瞻反錯音千故反  
猶兼正列其義被飾厥

文作春秋一藝

孟康曰猶作春秋者正天時列人事也言諸儒既得展事業因兼正天時列人

事叙述大義為一經也師古曰被除也被飾者言除去舊事更飾新文也被音敷勿反○宋祁曰浙本被音方

吠反將襲舊六為七攄之無窮

文穎曰六經加一為七也師古曰攄布也音丑居反

俾萬世得激清流揚微波蜚英聲騰茂實

師古曰蜚古飛字

前

聖之所以永保鴻名而常為稱首者用此

師古曰稱音尺孕反

宜

命掌故悉奏其儀而覽焉

師古曰掌故事者官屬主故事者

於是天子

沛然改容曰俞乎朕其試哉

師古曰沛然感動之意也俞者然也然其所請也沛

音普大反  
俞音踰

乃遷思回慮總公卿之議詢封禪之事詩大

澤之博廣符瑞之富

孟康曰詩所以詠功德謂下四章之頌也大澤之博謂自我天覆雲

之油油也廣符瑞之富謂班班之獸以下三章言符應廣大富饒也○劉奉世曰嘉穀亦符瑞之一也此但包

舉作頌之意不必別之廣謂廣聞其事

遂作頌曰自我天覆雲之油油

蘇林

曰油音油麻之油李奇曰油油雲行貌孟子曰油然作雲沛然下雨

甘露時雨厥壤可游

師古曰言雨霧滂沛其澤可以游泳也

滋液滲漉何生不育

師古曰滲漉謂潤澤下究

故無生而不育也滲音山禁反漉音鹿

嘉穀六穗我穡曷蓄

李奇曰我之稼穡何等不

蓄匪唯雨之又潤澤之匪唯偏我汜布護之

師古曰汜普也布護



言遍布也 汎  
音數 劒反

萬物熙熙懷而慕之 名山顯位望君之來

君兮君兮侯不邁哉

師古曰侯何也邁行也言君何不行封禪

殷殷之獸樂

我君圓白質黑章其儀可喜

師古曰謂駟虞也殷字與班同耳從丹青之丹喜音

許記 旹旹穆穆君子之態

孟康曰旹旹和也穆穆敬也言容態和且敬有似君子也

張揖曰旹音旻 蓋聞其聲今視其來

師古曰言往昔但聞其聲今親見其來也來合韻音

郎代反 厥塗靡從天瑞之徵

文穎曰百獸舞則乎此乃天瑞之應也

茲爾

於舜虞氏以興

文穎曰百獸在其中也

濯濯之麟游彼靈時

孟冬十月君徂郊祀

文穎曰濯濯肥也武帝冬幸雍祠五時獲白麟也師古曰濯音直角

反大雅靈臺之

馳我君與帝用享祉

文穎曰馳我君車之前也師古曰帝

既享之答以祉福也

三代之前蓋未嘗有宛宛黃龍興

德而升

文穎曰起至德而見也

采色玄耀炳炳輝煌

師古曰玄讀曰炫輝煌光

貌煇音下本反○宋祁曰炳炳越本煥炳

正陽顯見覺寤黎烝

文穎曰陽明也師古

曰黎烝也於傳載之云受命所乘

師古曰謂易云時來六龍以御天也○劉奉世

曰如長卿所云則蓋元狩以前皆嘗有此瑞不知史不徧記何也

厥之有章不必諄諄

文穎曰天之所命表以符瑞章明其德不必諄諄然有語言也師古曰諄諄告喻之熟也音之純反依類

託寓諭以封巒

文穎曰寓寄也巒山也言依事類託寄以喻封禪

披藝觀之天

人之際已交上下相發允答聖王之事兢兢翼翼

師古曰兢兢

戒也翼翼敬也

故曰於興必慮衰安必思危是以湯武至尊

嚴不失肅祇

師古曰言居天子之位猶不忘恭敬也

舜在假典顧省厥遺

師古曰在察也假大也典則也言舜察璇璣玉衡恐已政化有所遺失不合天心今漢亦當順天意而封禪也

此之謂也相如既卒五歲上始祭后土八年而遂禮中

岳封于太山至梁甫禪肅然相如它所著若遺平陵侯

書與五公子相難草木書篇不采采其尤著公卿者云

贊曰司馬遷稱春秋推見至隱

李奇曰隱猶微也言其義顯而文隱若隱公見

殺死而經不

書隱諱之也

易本隱以之顯

有地道焉有人道焉以類萬物之情是之顯也師古曰之往也

大雅言王公大人而德

逮黎庶

張揖曰謂文王公劉在位大人之德下及衆民者也

小雅譏小己之得失

其流及上

張揖曰已詩人自謂也已小有得失不得其所作詩流言以諷其上也師古曰小己者謂

卑少之人以對上言大人耳

所言雖殊其合德一也相如雖多虛辭

濫說然要其歸引之於節儉此亦詩之風諫何異

師古曰風

讀曰諷次下亦同

揚雄以為靡麗之賦勸百而諷一

師古曰奢靡之辭多

而節儉之言少也

猶騁鄭衛之聲曲終而奏雅不已戲乎

張揖曰不

亦輕戲乎哉○宋  
祁曰已當作亦

前漢書卷五十七下

前漢書卷五十七下考證

司馬相如傳下令聞其乃發軍興制注師古曰以發軍之法為興衆之制也○許應元曰發軍興制即前所謂用軍興法頗注非

除邊關邊關益斥○宋祁曰淳化本無下邊關二字○

臣召南

按史記作除邊關關益斥文選亦然似淳化

本脫一關字而今本又衍一邊字也

西至沫若水注張揖曰沫水出蜀廣平徼外若水出旄

牛徼外○臣召南按蜀郡有廣都廣柔二縣無廣平

縣平字訛也但地理志于廣都廣柔二縣下不云沫水出徼外未知張揖所据又按沫水即大渡河志曰澌水出汶江縣徼外南至南安東入江而大渡水出青衣縣東南至南安入澌澌水即水經注之澌水也若水今名打冲河

通靈山道注張揖曰鑿開靈山道置靈道縣○臣召南

按史記作通靈關道以地理志証之越雋有靈關道



則本文山字訛也張揖注置靈道縣亦脫一關字

乃湮洪原○文選作湮洪塞原

躬臧胼胝無胫膚不生毛注臣佖曰云云○按張佖之上當有一圈以別于顏注

又宋祁曰此文難得句○按史記作躬胝無胫文選作躬腠胝無胫句亦不齊

魂亡歸而不食○此文下史記有曼遂絕而不齊兮五句蓋班氏刪之也

繼昭夏○史記作繼韶夏又維見可觀也文選作維風  
可觀也

匪唯偏我○史記作非惟濡之文選作非惟徧之又其  
儀可喜文選作可嘉

前漢書卷五十七下考證

謹案卷五十七上第七頁後三行蒹蒹侯也刊本  
蒹訛鎬據爾雅改

第二十二頁前五行庸牛領有肉堆刊本肉訛內  
今改

第二十四頁後一行亭山梨也刊本梨訛黎今改  
卷五十七下第二頁前三行故遣中郎將往賓之  
刊本賓訛賞據監本改

第五頁前三行欲與牂柯作徽塞也刊本徽訛檄


今改

第十二頁前四行言臨曲岸之洲刊本曲訛也據

監本改

第十七頁後七行西王母為仙靈之最刊本仙訛

袖今改



總校官庶吉士 臣 張能照

校對官檢討 臣 王福清

謄錄監生 臣 王世臣